

LĪ-BĪ-KÌ (3)

1 Iâ-hô-hoa kiò Mô·se tùi hoē-bō·lāi, kâ i kóng, Lí tiòh hoan-hù Í-sek-liát lāng kâ in kóng, Lín tiong-kan nā ū lāng hiàn lé-mih hō· Iâ-hô-hoa, tiòh tùi gū-kūn iūⁿ-kūn tiong hiàn cheng-siⁿ choè lé-mih.

³I ê lé-mih nā tùi gū-kūn chhú choè sio-chè, chiū tiòh hiàn chit chiah bô hâ-chhū ê gū-káng; tiòh tī hoē-bō· mng-kháu hiàn i, thang tī Iâ-hô-hoa ê bīn-chêng tit-tiòh chiap-láp. ⁴I tiòh hoāⁿ-chhiú tī sio-chè ê cheng-siⁿ ê thâu-khak-téng, chiū ūi-tiòh i siū chiap-láp, thoè i siók-choē. ⁵I tiòh tī Iâ-hô-hoa ê bīn-chêng thâi gū-káng-á; A-lūn ê kiáⁿ-sun choè chē-si ê, tiòh hiàn hit ê huìh, chiong huìh hiū tī hoē-bō· mng-kháu, toāⁿ ê sì-chiu-ūi. ⁶I tiòh pak sio-chè ê cheng-siⁿ ê phê, chhiat i ê bah chit-tè chit-tè. ⁷Chē-si A-lūn ê kiáⁿ-sun tiòh ēng hé hē tī toāⁿ-téng, ēng chhâ pài tī hé ê téng-bīn. ⁸A-lūn ê kiáⁿ-sun choè chē-si-ê, tiòh chiong bah-tè kap thâu kap iū, pài tī toāⁿ-téng hé-nih ê chhâ. ⁹Tók-tók sio-chè ê chōng-hú kap thúi, i tiòh ēng chúi soé i; chē-si chiū tiòh chiong it-chhè lóng sio tī toāⁿ-téng choè sio-chè, hiàn hō· Iâ-hô-hoa choè phang-phang ê hé-chè.

¹⁰I ê lé-mih, nā tùi iūⁿ-kūn-tiong lâi choè sio-chè, hék-sī mī-iūⁿ, hék-sī soaⁿ-iūⁿ, tiòh ēng bô hâ-chhū ê kang-ê lâi hiàn. ¹¹Tiòh tī toāⁿ-piⁿ ê pak--sì, thâi i tī Iâ-hô-hoa ê bīn-chêng; A-lūn ê kiáⁿ-sun choè chē-si-ê, tiòh

ēng i ê huìh hiū tī toāⁿ ê sì-chiu-ūi. ¹²Tiòh kâ i chhiat chit-tè chit-tè, liān thâu kap iū; chē-si tiòh pài tī toāⁿ-téng hé-nih ê chhâ. ¹³Tók-tók chōng-hú kap thúi, tiòh ēng chúi soé i; chē-si tiòh chiong it-chhè lóng hiàn, sio tī toāⁿ-téng; che sī sio-chè, hiàn hō· Iâ-hô-hoa choè phang-phang ê hé-chè.

¹⁴I hiàn hō· Iâ-hô-hoa ê lé-mih, nā ēng chiáu-chiah choè sio-chè, chiū tiòh hiàn ka-chui á-sī chíⁿ-á-kiáⁿ choè lé-mih. ¹⁵Chē-si tiòh toà chiáu-á kàu toāⁿ-chêng, chūn-tng i ê thâu, sio tī toāⁿ-téng; i ê huìh tiòh lèk tī toāⁿ-piⁿ. ¹⁶Koh tiòh chiong chiáu ê kui kap i ê mng tū--khì, hiat tī toāⁿ-piⁿ ê tang--sì, hé-hu ê só·-chāi. ¹⁷Tiòh khiú chiáu ê nng sít; chiong i thiah-khui, chóng-sī m̄-thang phoà hō· i tng; chē-si tiòh sio i tī toāⁿ-téng hé-nih ê chhâ; che sī sio-chè, hiàn-hō· Iâ-hô-hoa choè phang-phang ê hé-chè.

2 Nā ū lāng hiàn sò·-chè choè lé-mih hō· Iâ-hô-hoa, tiòh ēng iū ê mī-hún choè i ê lé-mih; tiòh thīn iū tī hí téng-bīn, hē jú-hiūⁿ tī hí téng-bīn. ²Toà kàu A-lūn ê kiáⁿ-sun choè chē-si-ê hia; i chiū tùi iū ê mī-hún-tiong chhú-chhut chit-pé lâi, kap tām-pòh iū, í-kíp lóng-chóng ê jú-hiūⁿ; chē-si chiū sio i tī toāⁿ-téng choè kì-liām; sī hiàn hō· Iâ-hô-hoa choè phang-phang ê hé-chè. ³Sò·-chè só· chhun-ê, tiòh kui hō· A-lūn kap i ê kiáⁿ-sun; che sī hiàn-hō· Iâ-hô-hoa hé-chè-tiong choè chì-

sèng-ê.

⁴Lí nā toà hé-lô· só· pek ê lé-mih choè sò·-chè, tiòh ēng iù mī-hún ê bô-kàⁿ-piáⁿ, ēng iù tiau-hô--ê, á-sī bô-kàⁿ ê pòh-piáⁿ ēng iù boah-ê. ⁵Nā ēng chian-poāⁿ chian ê lé-mih choè sò·-chè, chiū tiòh ēng tiau-hô iù bô-kàⁿ ê iù mī-hún. ⁶Tiòh peh kui-tè, thîn iù tī téng-bīn; che sī sò·-chè. ⁷Nā ēng tiáⁿ-á chú ê lé-mih choè sò·-chè; chiū tiòh ēng iù kap iù mī-hún choè. ⁸Tiòh chiong chiaⁿ ê mih choè sò·-chè, toà kàu Iâ-hô-hoa ê bīn-chēng, kau-tài chē-si, hō· i toà kàu toāⁿ-chēng. ⁹Chē-si tiòh tùi sò·-chè-tiong thēh-chhut choè kì-liām-ê, sio tī toāⁿ-téng; sī hiàn hō· Iâ-hô-hoa choè phang-phang ê hé-chè. ¹⁰Sò·-chè só· chhun-ê tiòh kui hō· A-lūn kap i ê kiáⁿ-sun; che sī hiàn hō· Iâ-hô-hoa ê hé-chè-tiong choè chì-sèng-ê. ¹¹Kìⁿ-nā lín hiàn-hō· Iâ-hô-hoa ê sò·-chè, lóng m̄-thang ēng kàⁿ choè i, in-ūi kàⁿ kap bit lín lóng m̄-thang sio i, lâi choè hé-chè hiàn hō· Iâ-hô-hoa. ¹²Chiaⁿ ê mih lín tiòh hiàn hō· Iâ-hô-hoa, choè khí-thâu-sék ê lé-mih; chóng-sī m̄-thang chiūⁿ toāⁿ-téng choè phang-bī. ¹⁸Kìⁿ-nā hiàn choè sò·-chè ê lé-mih, lóng tiòh ēng iām tiau-hô; tī lí sò·-chè ê téng-bīn m̄-thang khiām-kheh lín ê Siōng-tè līp-iok ê iām; lí it-chhè ê lé-mih, lóng tiòh phoè iām lâi hiàn.

¹⁴Nā ēng khí-thâu sēng-sék ê mih choè sò·-chè, hiàn hō· Iâ-hô-hoa choè lé-mih, tiòh ēng sin ê sūi, chiū-sī kè-lún, kè hang ê hó ngó·kok, hiàn i choè lín khí-thâu sēng-sék ê sò·-chè. ¹⁵Iā tiòh thîn iù tī hí téng-bīn, hē jú-hiūⁿ tī hí téng-bīn; che sī sò·-chè. ¹⁶Chē-si tiòh chiong hí tiong-kan, choè kì-liām-ê, chiū-sī kè-lún ê sūi chit-hūn, kap iù chit-hūn, í-kíp it-chhè ê jú-hiūⁿ, lóng sio i; che sī hiàn hō· Iâ-hô-hoa ê hé-chè.

3 I ê lé-mih nā sī siā-un ê chè, hék-sī tùi

gū-kūn-tiong hiàn, bô-lūn sī kang--ê, sī bú-ê, tiòh ēng bô hā-chhū--ê hiàn tī Iâ-hô-hoa ê bīn-chēng. ²I tiòh hoāⁿ-chhiú tī lé-mih ê thâu-khak-téng, thâi i tī hoē-bō· ê mng-kháu; A-lūn kiáⁿ-sun choè chē-si--ê, tiòh ēng huìh hiù tī toāⁿ ê chiu-ūi. ³Tùi siā-un-chè ê tiong-kan, tiòh chiong hé-chè hiàn hō· Iâ-hô-hoa; ēng khàm chōng-hú ê iù, kap chōng-hú só· ū ê iù, ⁴í-kíp nng liáp io-chí, kap in só· ū ê iù, chiū-sī oá-kūn io siang-pēng ê iù, kap koaⁿ--nih ê bāng-se, kap io-chí, it-khài thēh--khí-lâi. ⁵A-lūn ê kiáⁿ-sun tiòh sio i tī toāⁿ--nih sio-chè ê téng-bīn, chiū-sī tī hé--nih ê chhâ; sī hiàn hō· Iâ-hô-hoa choè phang-phang ê hé-chè.

⁶I ê lé-mih choè siā-un ê chè hiàn hō· Iâ-hô-hoa ê, nā sī tùi iùⁿ-kūn-tiong, hék-sī kang--ê, hék-sī bú--ê, tiòh ēng bô hā-chhū-ê. ⁷Nā hiàn chit chiaⁿ iùⁿ-á-kiáⁿ choè lé-mih, tiòh tī Iâ-hô-hoa ê bīn-chēng hiàn. ⁸Iā tiòh hoāⁿ-chhiú tī i ê lé-mih ê thâu-khak-téng, thâi i tī hoē-bō·-chēng; A-lūn ê kiáⁿ-sun tiòh chiong i ê huìh hiù tī toāⁿ ê chiu-ūi. ⁹Tùi siā-un-chè ê tiong-kan, tiòh chiong hé-chè hiàn hō· Iâ-hô-hoa; hit tiong-kan ê iù, kap i ka-nng-kì pui ê iùⁿ-bé, tùi oá-kūn chit-kut ê só·-chāi thēh--khí-lâi, í-kíp khàm chōng-hú ê iù, kap chōng-hú só· ū ê iù, ¹⁰í-kíp nng liáp io-chí, kap in só· ū ê iù, chiū-sī oá-kūn io siang-pēng ê iù, kap koaⁿ--nih ê bāng-se, kap io-chí, it-khài thēh--khí-lâi. ¹¹Chē-si tiòh sio i tī toāⁿ-téng; sī hiàn hō· Iâ-hô-hoa choè hé-chè ê chiaⁿ-mih.

¹²I ê lé-mih nā sī soaⁿ-iūⁿ, tiòh tī Iâ-hô-hoa ê bīn-chēng hiàn. ¹³Tiòh hoāⁿ-chhiú tī i ê thâu-khak, thâi i tī hoē-bō·-chēng; A-lūn ê kiáⁿ-sun tiòh chiong huìh hiù tī toāⁿ ê chiu-ūi. ¹⁴I tiòh tùi che hiàn i ê lé-mih choè hé-chè hō· Iâ-hô-hoa. ¹⁵Ēng khàm chōng-hú ê iù, kap chōng-hú só· ū ê iù, í-kíp nng liáp io-chí,

kap in só· ũ ê iû, chiū-sī oá-kūn io siang-pêng ê iû, kap koaⁿ-tég ê bāng-se, kap io-chí, it-khai thêh--khí-lâi. ¹⁶Chè-si tiòh sio i tī toāⁿ-tég, choè hé-chè ê chiáh-mih, chhú i ê phang-phang-ê; iû lóng sī Iâ-hô-hoa ê. ¹⁷Tī lín it-chhè khiá-khí ê só·-chāi, iû kap huìh lóng m̄-thang chiáh; che beh choè lín ták sè-tāi éng-oán tiāⁿ-tiòh ê lē.

4 Iâ-hô-hoa hoan-hù Mô·se kóng, Lí tiòh hoan-hù Í-sek-liát lāng kóng, Nā ũ lāng hoān-choē, chhò-gō· hoān-tiòh Iâ-hô-hoa só· bēng-lēng m̄-thang kiāⁿ ê chit-hāng; ³nā siū boah-iû ê chè-si hoān-choē, liân-lūi peh-siⁿ tī choē, chiū tiòh in-ūi i só· hoān ê choē, ēng bô hâ-chhū ê gū-káng-á, hiàn hō· Iâ-hô-hoa choè siók-choē-chè. ⁴I tiòh khan gū-káng-á kàu hoē-bō· m̄ng-kháu, tī Iâ-hô-hoa ê bīn-chēng, hoāⁿ-chhiú tī gū-káng-á ê thâu-khak-tég, thâi gū-káng-á tī Iâ-hô-hoa ê bīn-chēng. ⁵Siū boah-iû ê chè-si tiòh chhú tām-pòh gū-káng ê huìh, toà-kàu hoē-bō·. ⁶Chè-si tiòh ēng chng-thâu-á ùn-huìh, tī Iâ-hô-hoa ê bīn-chēng, tui sèng-só· ê tiūⁿ-lī chēng, hiū huìh chhit-pái. ⁷Chè-si koh tiòh ēng tām-pòh huìh boah tī hoē-bō·-lāi, tī Iâ-hô-hoa ê bīn-chēng, hiūⁿ-toāⁿ hiah ê kak; i iā tiòh ēng gū-káng-á ê huìh lóng piàⁿ tī hoē-bō· m̄ng-kháu sio-chè ê toāⁿ-kha. ⁸I tiòh ēng siók-choē-chè ê gū-káng-á só· ũ ê iû lóng thêh--khí-lâi, ēng khàm chōng-hú ê iû, kap chōng-hú só· ũ ê iû, ⁹í-kíp n̄ng liáp io-chí, kap in só· ũ ê iû, chiū-sī oá-kūn io siang-pêng ê iû, kap koaⁿ--nih ê bāng-se, kap io-chí, it-khai thêh--khí-lâi, kap tui siā-un-chè ê gū-káng-á só· thêh--khí-lâi-ê chit-iūⁿ; ¹⁰chè-si tiòh sio hiah-ê tī sio-chè ê toāⁿ-tég. ¹¹Gū-káng-á ê phê kap só· ũ ê bah, kap i ê thâu, i ê thúi, i ê chōng-hú, i ê pùn, chiū-sī ka-n̄g-chiah gū-káng-á tiòh toà chhut iāⁿ-goā kàu

chheng-khì ê toē, piàⁿ hé-hu ê só·-chāi; ēng hé sio tī chhâ-tég, tī piàⁿ hé-hu ê só·-chāi sio i.

¹³Nā sī Í-sek-liát choān-hoē kiāⁿ-chhò, kiāⁿ Iâ-hô-hoa só· bēng-lēng m̄-thang kiāⁿ ê chit-hāng sū, tì-kàu ũ choē, tāi-chì iáu-kú ún-bát, hoē-chiòng khoāⁿ bô tiòh ê. ¹⁴Kàu só· hoān ê choē, lāng chit-ē chai, hoē-chiòng chiū tiòh hiàn chit chiah gū-káng-á-kiāⁿ choè siók-choē-chè; khan kàu hoē-bō·-chēng. ¹⁵Hoē-tiong ê tiūⁿ-ló chiū tiòh tī Iâ-hô-hoa ê bīn-chēng hoāⁿ-chhiú tī gū-káng-á ê thâu-khak-tég, gū-káng-á tiòh thâi tī Iâ-hô-hoa ê bīn-chēng. ¹⁶Siū-boah-iû ê chè-si tiòh chhú tām-pòh gū-káng-á ê huìh, toà kàu hoē-bō·; ¹⁷chè-si tiòh ēng chng-thâu-á ùn huìh tī Iâ-hô-hoa ê bīn-chēng, tī tiūⁿ-lī ê thâu-chēng, hiū chhit pái. ¹⁸Koh tiòh ēng tām-pòh huìh boah tī hoē-bō·-lāi, tī Iâ-hô-hoa ê bīn-chēng ê toāⁿ hiah ê kak; i iā tiòh ēng só· ũ ê huìh, lóng piàⁿ tī hoē-bō· ê m̄ng-kháu sio-chè ê toāⁿ-kha. ¹⁹Tiòh chiong só· ũ ê iû lóng thêh--khí-lâi, sio tī toāⁿ-tég. ²⁰Tiòh kiāⁿ tī chit chiah gū-káng-á, chhin-chhiūⁿ só· kiāⁿ tī siók-choē-chè ê gū-káng-á, tiòh chiàu án-ni kiāⁿ; chè-si tiòh án-ni thoè in siók-choē, in chiū beh tit-tiòh sià-bián. ²¹I tiòh chiong gū-káng-á toà-chhut iāⁿ-goā sio--i, chhin-chhiūⁿ sio thâu-chit-chiah gū-káng-á chit-iūⁿ; che sī hoē-chiòng ê siók-choē-chè.

²²Koaⁿ-tiúⁿ nā ũ hoān-choē, chhò-gō· kiāⁿ Iâ-hô-hoa i ê Siōng-tè só· bēng-lēng m̄-thang kiāⁿ ê chit-hāng sū, tì-kàu ũ choē; ²³só· hoān ê choē kàu i ka-kī chai, chiū tiòh khan chit chiah bô hâ-chhū ê soaⁿ-iūⁿ-káng choè i ê lé-mih. ²⁴Tiòh hoāⁿ i ê chhiú tī soaⁿ-iūⁿ ê thâu-khak-tég, thâi i tī Iâ-hô-hoa ê bīn-chēng, tī thâi sio-chè ê cheng-siⁿ ê só·-chāi; che sī siók-

choē-chè. ²⁵Chè-si tiòh ēng chng-thâu-á thèh tām-pòh siók-choē-chè ê huìh, boah tī sio-chè ê toāⁿ hiah ê kak, chiong huìh piàⁿ tī sio-chè ê toāⁿ-kha. ²⁶Só· ū ê iū, i lóng tiòh sio tī toāⁿ-téng, chhin-chhiūⁿ siā-un-chè ê iū chit-iūⁿ; lūn-kàu i ê choē, chè-si tiòh án-ni ká i siók-choē, i chiū beh tit-tiòh sià-bián.

²⁷Peh-siⁿ-tiòng nā ū lāng chhò-gō· hoān-choē, kiāⁿ Iā-hô-hoa só· bēng-lēng m̄-thang kiāⁿ ê chit-hāng sū, tì-kàu ū-choē, ²⁸só· hoān ê choē kàu i ka-lī chai, i in-ūi só· hoān ê choē, chiū tiòh khan chit-chiah bô hā-chhū ê soaⁿ-iūⁿ-bú, choē i ê lé-mih. ²⁹Tiòh hoāⁿ i ê chhiú tī siók-choē cheng-siⁿ ê thâu-khak-téng, tī sio-chè ê só·chāi thāi siók-choē-chè ê cheng-siⁿ; ³⁰chè-si tiòh ēng chng-thâu-á thèh tām-pòh iūⁿ-huìh, boah tī sio-chè ê toāⁿ hiah ê kak; só· ū ê huìh lóng tiòh piàⁿ tī toāⁿ-kha-nih. ³¹Tiòh chiong i só· ū ê iū lóng thèh--khí-lāi, chhin-chhiūⁿ thèh siā-un-chè ê iū chit-iūⁿ, chè-si tiòh sio i tī toāⁿ-téng, tī Iā-hô-hoa ê bīn-chēng, choē phang-bī; chè-si tiòh ūi i siók-choē, i chiū beh tit-tiòh sià-bián.

³²I nā khan chit chiah mī-iūⁿ-á choē siók-choē-chè ê lé-mih, chiū tiòh khan chit-chiah bô hā-chhū ê iūⁿ-bú. ³³Tiòh hoāⁿ i ê chhiú tī siók-choē cheng-siⁿ ê thâu-khak-téng; tī thāi sio-chè ê só·chāi, thāi siók-choē-chè ê cheng-siⁿ. ³⁴Chè-si tiòh ēng chng-thâu-á thèh tām-pòh siók-choē-chè cheng-siⁿ ê huìh, boah tī sio-chè ê toāⁿ hiah ê kak, só· ū ê huìh lóng tiòh piàⁿ tī toāⁿ-kha--nih. ³⁵Tiòh chiong i só· ū ê iū lóng thèh--khí-lāi, chhin-chhiūⁿ siā-un-chè thèh--khì iūⁿ-á ê iū chit-iūⁿ; chè-si tiòh sio i tī toāⁿ-téng, chhin-chhiūⁿ hiàn hō· Iā-hô-hoa ê hé-chè; lūn-kàu i só· hoān-tiòh ê choē, chè-si tiòh án-ni ká i siók-choē, i chiū beh tit-tiòh sià-bián.

5 Nā ū lāng hoān-choē, chiū-sī thiaⁿ-kìⁿ chiū-choā ê siaⁿ, iā i pún tiòh choē kan-chèng, chóng-sī só· khoàⁿ-kìⁿ, á-sī só· chai ê, i m̄-kóng, i tiòh tam-tng i ê choē. ²Nā ū lāng bong--tiòh bô chheng-khì ê mih, hék-sī bô chheng-khì ê siū ê sin-si, hék-sī bô chheng-khì ê cheng-siⁿ ê sin-si, hék-sī bô chheng-khì ê thāng-thoā ê sin-si, i iā m̄-chai, i chiū bô chheng-khì, i chiū ū choē. ³Á-sī i bong--tiòh pát-lāng ê bô chheng-khì, bô-lūn bak--tiòh sím-mih bô chheng-khì lāi bô chheng-khì, chóng-sī i m̄-chai; kàu chit-ē chai, chiū ū choē. ⁴Á-sī ū lāng sūi-piān chiū-choā, chhùi kóng beh choē-pháiⁿ, beh choē-hó, bô-lūn lāng tī sím-mih sū sūi-piān chiū-choā, i iā m̄-chai; kàu chit-ē chai, chiū tī chiah ê hāng ê chit-hāng, sng-choē ū choē. ⁵I tī chiah-ê hāng ê chit-hāng ū choē, chiū tiòh sēng-jīm i só· hoān ê choē. ⁶Iā tiòh in-ūi só· hoān ê choē, toà pó·kè-sit ê chè, kàu Iā-hô-hoa ê bīn-chēng, chiū-sī iūⁿ-kūn-tiòng ê bú--ê, hék-sī mī-iūⁿ-á, hék-sī soaⁿ-iūⁿ choē siók-choē ê chè; lūn-kàu i ê choē, chè-si tiòh án-ni ká i siók. ⁷I ê khui-lát nā bô kàu-giáh thang hiàn chit chiah iūⁿ-á, chiū tiòh in-ūi i só· hoān ê choē, ēng nng chiah ka-chui, á-sī nng chiah chīm-á-kiáⁿ, toà kàu Iā-hô-hoa ê bīn-chēng choē pó·kè-sit ê chè; chit-chiah choē siók-choē-chè, chit-chiah choē sio-chè. ⁸I tiòh chiong chiah-ê toà kàu chè-si hia; chè-si chiū tiòh tãi-seng hiàn hit-chiah choē siók-choē-chè ê; tui âm-kún chūn i ê thâu, chóng-sī m̄-thang ká i phò-khui. ⁹I iā tiòh ēng chit ê siók-choē-chè ê huìh, hiū tī toāⁿ-piⁿ; só· chhun ê huìh tiòh lèk tī toāⁿ-kha; che sī siók-choē-chè. ¹⁰I tiòh chiàu-lē hiàn tē-jī-chiah choē sio-chè; lūn-kàu i só· hoān ê choē, chè-si tiòh chiàu án-ni ká i siók; chiū beh tit-tiòh sià-bián.

¹¹I ê khui-lát nā bô kàu-giáh thang hiàn n̄ng chiah ka-chui, á-sī n̄ng chiah chíⁿ-á-kiáⁿ, chiū tiòh in-ūi i só· hoān ê choē, toà i ê lé-mih lái, chiū-sī iū ê mī-hún i-hoat ê chấp-hūn-chít, choē siók-choē chè, m̄-thang lóh iū, iā m̄-thang chham jú-hiuⁿ; in-ūi sī siók-choē chè. ¹²I tiòh chiong lé-mih toà kàu chè-si hia; chè-si tiòh lál chít-lál, lái choē i ê kì-liām, sio tī toāⁿ-téng, chiàu hiàn hō· Iā-hô-hoa ê hé-chè; che sī siók-choē chè. ¹³Lūn-kàu i tī chí kúi hāng sū ê tiong-kan, só· hoān ê chít-hāng, chè-si tiòh án-ni ká i siók, chiū i beh tit-tiòh sià-bián; só· chhun ê lóng kui hō· chè-si, kap sò·-chè chít-iūⁿ.

¹⁴Iā-hô-hoa hoan-hù Mô·-se kóng, ¹⁵Lāng nā tī Iā-hô-hoa ê sèng-mih chhò-gō· hoān-choē, tì-kàu ū kè-sit, chiū tiòh ēng pó·-kè-sit ê chè lái hiàn hō· Iā-hô-hoa, chiàu lí só· kó· sià-khek-lék ê gún, chiū-sī chiàu sèng-só· ê sià-khek-lék, tui iūⁿ-kūn-tiong ēng bô hā-chhū ê mī-iūⁿ-káng, choē pó·-kè-sit ê chè; ¹⁶koh i in-ūi tī sèng-mih ê chhò-gō· tiòh pē, lēng-goā tiòh ke gō·-hūn ê chít-hūn kau hō· chè-si; chè-si tiòh ēng pó·-kè-sit ê chè ê mī-iūⁿ-káng, thoē i siók-choē, i chiū beh tit-tiòh sià-bián.

¹⁷Nā ū lāng hoān-choē kiāⁿ Iā-hô-hoa só· bēng-lēng m̄-thang kiāⁿ ê chít-hāng-sū, i sui-jian m̄-chai iā sī ū-choē, chiū tiòh tam-tng i ê choē. ¹⁸I tiòh chiàu lí só· kó· ê, tui iūⁿ-kūn-tiong khan chít chiah bô hā-chhū ê mī-iūⁿ-káng, lái kau hō· chè-si choē pó·-kè-sit ê chè, in-ūi i chhò-gō· hoān-tiòh, i iā m̄-chai, chè-si chiū beh thoē i siók-choē, i chiū beh tit-tiòh sià-bián. ¹⁹Che sī pó·-kè-sit ê chè; in-ūi i tī Iā-hô-hoa ê bīn-chēng sít-chāi ū kè-sit.

6 Iā-hô-hoa hoan-hù Mô·-se kóng, Nā ū lāng hoān-choē kan-hoān Iā-hô-hoa, tui i ê chhù-piⁿ kiāⁿ khui-chà, hék-sī só· kau-tài

i mih-kiāⁿ, hék-sī kau-koan boé-boē, hék-sī chhiúⁿ lāng ê chài-bút, ³hék-sī khi-ap chhù-piⁿ, hék-sī khioh-tiòh sit-lóh ê mih, kiāⁿ khui-chà, pēh-chhát lái chiū-choā; tī lāng só· kiāⁿ it-chhè ê sū ê tiong-kan, hoān-tiòh chít-hāng, lái ū choē; ⁴i nā hoān-tiòh tì-kàu ū kè-sit, chiū tiòh hēng só· chhiúⁿ-ê, á-sī in-ūi khi-ap só· tit-tiòh-ê, á-sī só· kau-tài i ê mih, á-sī lāng sit-lóh hō· i só· khioh-tiòh ê mih; ⁵á-sī i in-ūi sím-mih mih pēh-chhát chiū-choā, chiū tiòh chiàu siàu-giáh lái hēng, lēng-goā ke gō·-hūn ê chít-hūn; tī chhā-chhut i ū kè-sit ê jít, tiòh hēng pún-chú. ⁶Iā tiòh chiàu lí só· kó· ê, ēng i pó·-kè-sit ê chè, chiū-sī iūⁿ-kūn-tiong chít-chiah bô hā-chhū ê mī-iūⁿ-káng khan kàu Iā-hô-hoa ê bīn-chēng, kau hō· chè-si choē pó·-kè-sit ê chè. ⁷Chè-si tiòh tī Iā-hô-hoa ê bīn-chēng, thoē i siók-choē, i bô-lūn kiāⁿ sím-mih sū, hō· i ū choē, lóng beh tit-tiòh sià-bián.

⁸Iā-hô-hoa hoan-hù Mô·-se kóng, ⁹Lí tiòh bēng-lēng A-lūn kap i ê kiáⁿ-sun kóng, Sio-chè ê lē sī án-ni; sio-chè tiòh hē tī toāⁿ ê chhā-téng, chít-mī kàu kng; toāⁿ-téng ê hé tiòh siông-siông tóh. ¹⁰Chè-si tiòh chhēng iū-toē-pò· ê i-hók, ē-sin iā tiòh chhēng iū-toē-pò· ê khò, chiong toāⁿ-téng ê hé só· sio choē sio-chè ê hu siu--khí-lái, piāⁿ tī toāⁿ-piⁿ. ¹¹Jian-āu tiòh thng--khì chít ê i-hók, chhēng pát-hō ê i-hók, chiong hé-hu toà-chhut iāⁿ-goā kàu chheng-khì ê só·-chāi. ¹²Toāⁿ-téng ê hé tiòh tī téng-bīn siông-siông tóh, m̄-thang hoa; chè-si tiòh ták chá-khí tī hí téng-bīn sio-chhā, koh chiong sio-chè pài tī toāⁿ-téng, tī hí téng-bīn sio siā-un-chè ê iū. ¹³Tī toāⁿ-téng ê hé tiòh siông-siông tóh, m̄-thang hoa.

¹⁴Sò·-chè ê lē sī án-ni; A-lūn ê kiáⁿ-sun tiòh tī toāⁿ-chēng, chiong che hiàn tī Iā-hô-hoa ê bīn-chēng. ¹⁵I tiòh tui hit tiong-kan thēh-

chhut sò·chè ê mī·hún chít-pé, kap iû, kap sò·chè-tiong só· ū ê jú·hiuⁿ, sio tī toāⁿ-téng, choè kì-liām, hiàn hō· Iâ-hô-hoa choè phang-bī. ¹⁶Só·chhun-ê A-lûn kap i ê kiáⁿ-sun tiòh chiáh i; tiòh tī sèng ê só·chāi, m̄-thang chham kàⁿ, lâi chiáh; tiòh tī hoē-bō· ê īⁿ-lāi chiáh. ¹⁷M̄-thang chham kàⁿ lâi pek i. Che sī Goá tùi Goá ê hé·chè-tiong, siúⁿ-sù in ê hūn-giáh; sī chī-sèng-ê, kap siók-choē-chè, í·kíp pó·kè-sit ê chè chít-iūⁿ. ¹⁸Kìⁿ-nā A-lûn kiáⁿ-sun-tiong ta-po·-ê, lóng tiòh chiáh i, tùi Iâ-hô-hoa ê hé·chè-tiong, choè éng-oán ê hūn-giáh, tit-kàu lín ê bān-tāi; bong chiaⁿ ê chè-mih ê, lóng beh chiáⁿ-choè sèng.

¹⁹Iâ-hô-hoa hoan-hù Mô·se kóng, ²⁰A-lûn kap i ê kiáⁿ-sun tī i siū boah-iû ê jít, só· tiòh hiàn hō· Iâ-hô-hoa ê lé-mih, chiū-sī iû ê mī·hún i-hoat cháp-hūn ê chít-hūn, choè siông-siông hiàn ê sò·chè; chá·khí-sī chít-poàⁿ, ê hng-sī chít-poàⁿ. ²¹Tiòh tī chian-poāⁿ ēng iû lâi choè; tiau-hô-liáu, lí chiū tiòh thêh--jíp-lâi; pek hó chít-tè chít-tè, choè sò·chè, hiàn hō· Iâ-hô-hoa choè phang-bī. ²²I ê kiáⁿ-sun-tiong soà-chiap i siū boah-iû choè chè-si, tiòh hiàn i, tiòh it-chīn sio hō· Iâ-hô-hoa; che sī éng-oán ê lē. ²³Chè-si ê sò·chè tiòh it-chīn sio, m̄-thang chiáh i.

²⁴Iâ-hô-hoa hoan-hù Mô·se kóng, ²⁵Lí tiòh hoan-hù A-lûn kap i ê kiáⁿ-sun kóng, Siók-choē-chè ê lē, chiū-sī án-ni; tiòh tī Iâ-hô-hoa ê bīn-chêng thái sio-chè ê cheng-siⁿ ê só·chāi, lâi thái siók-choē-chè ê cheng-siⁿ; che sī chī-sèng ê mih. ²⁶Ūi siók-choē hiàn chít ê chè ê chè-si tiòh chiáh i; tiòh tī sèng ê só·chāi, chiū-sī tī hoē-bō· ê īⁿ-lāi chiáh i. ²⁷Kìⁿ-nā bong i ê bah ê, beh chiáⁿ-choè sèng; i ê huìh nā hiù tī sím-mih i-hók ê téng-bīm, só· hiù-tiòh hit-niá, lí tiòh tī sèng ê só·chāi soé. ²⁸Nā chú tī hui

ê khi-kū, tiòh kâ i kòng-phoà; nā chú tī tâng ê khi-kū, chít ê khi-kū tiòh kè-boā, chiaⁿ ēng chúi soé. ²⁹Kìⁿ-nā chè-si-tiong ê ta-po·-teng, lóng tiòh chiáh i; che sī chī-sèng ê mih. ³⁰Kìⁿ-nā siók-choē-chè, i ê huìh nā toà jíp hoē-bō· tī sèng-só· siók-choē, lóng m̄-thang chiáh i; tiòh ēng hé sio i.

7 Pó·kè-sit ê chè ê kui-lē chiū sī án-ni; chít-ê sī chī-sèng-ê. ²Tī thái sio-chè ê só·chāi, iā tiòh tī-hia thái pó·kè-sit ê chè; i ê huìh tiòh hiù tī toāⁿ--nih ê sì-úi. ³I ê iû tiòh lóng hiàn; hit ê pui ê bé, kap khàm chōng-hú ê iû, nng liáp io-chí, ⁴kap in só· ū ê iû, chiū-sī óa-kūn io siang-pēng ê iû, kap koaⁿ--nih ê bāng-se, kap io-chí it-khai thêh--khí-lâi. ⁵Chè-si tiòh tī toāⁿ-téng sio i, choè hiàn hō· Iâ-hô-hoa ê hé·chè; sī pó·kè-sit ê chè. ⁶Chè-si-tiong ê ta-po·-teng lóng tiòh chiáh i, tī sèng ê só·chāi chiáh; che sī chī-sèng-ê. ⁷Siók-choē-chè sím-mih khoán, pó·kè-sit ê chè iā-sī án-ni; in ê kui-lē sī chít-iūⁿ; ēng hit-ê lâi siók-choē ê chè-si, chiū tit-tiòh chít ê mih. ⁸Chè-si kâ lāng hiàn sio-chè, chiū i só· hiàn sio-chè ê cheng-siⁿ ê phê, kui tī chè-si pún-sin. ⁹Kìⁿ-nā tī hé-lô· pek ê sò·chè, kap tī tiáⁿ-á tī chian-poāⁿ pī-pān ê, lóng tiòh kui tī hiàn hit ê chè ê chè-si. ¹⁰Kìⁿ-nā sò·chè, bô-lūn sī chham-iū-ê, á-sī ta-ê, lóng tiòh kui A-lûn ê kiáⁿ-sun, tãi-ke pīⁿ-pun.

¹¹Lāng hiàn siā-un-chè hō· Iâ-hô-hoa, hit ê kui-lē chiū-sī án-ni. ¹²I nā ūi-tiòh kám-siā lâi hiàn, chiū tiòh ēng tiau-hô iû ê bô-kàⁿ-piáⁿ, kap boah-iû bô-kàⁿ ê pòh-piáⁿ, í·kíp chhiau hō· i chiâu ê mī·hún, ēng iû tiau-hô choè ê piáⁿ, kap kám-siā ê chè saⁿ-kap lâi hiàn. ¹³Tiòh ēng ū kàⁿ ê piáⁿ, kap ūi-tiòh kám-siā lâi hiàn ê siā-un-chè, kap i ê lé-mih saⁿ-kap lâi hiàn. ¹⁴Tiòh tùi ták-hāng lé-mih ê tióng-

kan, thêh chít-hāng hiàn hō· Iâ-hô-hoa choè kú-chê; che tiòh kui tī hiù siā-un-chê ê huìh ê chē-si. ¹⁵Ūi-tiòh kám-siā lâi hiàn ê siā-un-chê ê bah, tiòh tī hiàn lé-mih ê jít chiáh i, chít-tiám-á m̄-thang lâu kàu thiⁿ-kng. ¹⁶Nā i só·hiàn ê lé-mih, sī ūi-tiòh siā-goān, á-sī kam-sim hiàn ê, tiòh tī i hiàn-chê ê jít chiáh i; só·chhun-ê bîn-á-jít thang chiáh i. ¹⁷Tók-tók só· chhun ê chē-bah, kàu tē-saⁿ jít tiòh ēng hé sio. ¹⁸Kàu tē-saⁿ jít nā chiáh siā-un-chê ê bah, chit ê chē bô tit-tiòh chiap-láp, iā bô ká hiàn-ê sng-giáh; hoán-túg sī choè thang iàm-òⁿ ê; chiáh i ê lāng chiū tiòh tam-tng i ê choē. ¹⁹Chê-bah nā kháp--tiòh bô chheng-khì ê mih, chiū m̄-thang chiáh, tiòh ēng hé sio. Lūn-kàu chē ê bah, kìⁿ-nā chheng-khì ê lāng lóng thang chiáh i; ²⁰tók-tók siók tī Iâ-hô-hoa siā-un-chê ê bah, lāng nā seng-khu bak-tiòh bô chheng-khì lâi chiáh i, chit ê lāng tiòh tui i ê peh-siⁿ-tiong chián-tû-khì. ²¹Ū lāng bong--tiòh sím-mih bô chheng-khì ê mih, hék-sī lāng ê bô chheng-khì, hék-sī bô chheng-khì ê cheng-siⁿ, hék-sī bô chheng-khì khó-òⁿ ê mih, lâi chiáh-tiòh siók tī Iâ-hô-hoa siā-un-chê ê bah, chit ê lāng tiòh tui i ê peh-siⁿ-tiong chián-tû-khì.

²²Iâ-hô-hoa hoan-hù Mô·se kóng, ²³Lí tiòh hoan-hù Í-sek-liát lāng kóng, Bô-lūn sī gū, á-sī mī-iūⁿ, á-sī soaⁿ-iūⁿ ê iū, lín lóng m̄-thang chiáh i. ²⁴ka-kī sí-ê ê iū, kap hō· iá-siù thiah-ê ê iū, thang choè pát-mih ê lō·-ēng; tók-tók lín chhian-bān m̄-thang chiáh. ²⁵Oē thang hiàn-hō· Iâ-hô-hoa choè hé-chê ê cheng-siⁿ ê iū, kìⁿ-nā chiáh i ê lāng, hit ê lāng tiòh tui i ê peh-siⁿ-tiong chián-tû-khì. ²⁶Tī lín it-chhê só· khiā-khí ê só·chāi, bô-lūn sī chiáu á-sī iá-siù ê huìh, lín lóng m̄-thang chiáh i. ²⁷Bô-lūn sím-mih lāng chiáh sím-mih huìh, hit-lāng

tiòh tui i ê peh-siⁿ-tiong chián-tû-khì.

²⁸Iâ-hô-hoa hoan-hù Mô·se kóng, ²⁹Lí tiòh hoan-hù Í-sek-liát lāng kóng, Kìⁿ-nā hiàn siā-un-chê hō· Iâ-hô-hoa ê, tiòh tui i ê siā-un-chê tiong, toà i ê lé-mih lâi hō· Iâ-hô-hoa. ³⁰I tiòh chhin-chhiú toà hiàn-hō· Iâ-hô-hoa ê hé-chê lâi, chiū-sī toà iū kap heng lâi, thang ēng heng tī Iâ-hô-hoa ê bîn-chēng choè iô-chê, lâi iô i. ³¹Chê-si tiòh chiong iū sio tī toàⁿ-téng; tók-tók heng tiòh kui tī A-lūn kap i ê kiáⁿ-sun. ³²Lín tiòh tui lín siā-un-chê, chiong chiáⁿ-thúi choè kú-chê, kui hō· chē-si. ³³A-lūn ê kiáⁿ-sun-tiong, hiàn siā-un-chê ê huìh kap iū ê, tiòh tit-tiòh chit ê chiáⁿ-thúi choè in ê hūn-giáh. ³⁴In-ūi Goá tui Í-sek-liát lāng siā-un-chê ê tiong-kan chhú chit ê iô ê heng, kap kú-khí ê thúi, hō· chē-si A-lūn kap i ê kiáⁿ-sun, choè in tui Í-sek-liát lāng só· éng-oán tit-tiòh ê hūn-giáh.

³⁵Che sī tui Iâ-hô-hoa hé-chê-tiong, thêh-chhut choè A-lūn siū-boah-iū ê hūn-giáh, kap i ê kiáⁿ-sun siū-boah-iū ê hūn-giáh, tī i chhoā in lâi tng chē-si ê chit hók-sāi Iâ-hô-hoa ê jít. ³⁶Chiū-sī i ká in boah-iū ê jít, Iâ-hô-hoa hoan-hù Í-sek-liát lāng kiong-kip in ê, choè in ták sè-tāi éng-oán tit-tiòh ê hūn-giáh. ³⁷Che sī sio-chê, sò·chê, siók-choē-chê, pó·kè-sit ê chē, siat-líp sèng-chit ê chē, kap siā-un-chê ê kui-lē. ³⁸Lóng sī Iâ-hô-hoa tī Se-nái soaⁿ só· bēng-lēng Mô·se-ê, chiū-sī i tī Se-nái không-ia bēng-lēng Í-sek-liát lāng hiàn lé-mih hō· Iâ-hô-hoa ê jít.

8 Iâ-hô-hoa hoan-hù Mô·se kóng, Lí tiòh chiong A-lūn kap i ê kiáⁿ, í-kip i-hók, boah in ê iū, kap siók-choē-chê ê chit chiah gū-káng, nng chiah mī-iūⁿ-káng, chit kheng bô-kàⁿ-piáⁿ, lóng toà--lâi. ³Koh chio-chíp hoē-chiòng kàu hoē-bō· mng-kháu. ⁴Mô·se chiàu Iâ-hô-

hoa só· bēng-lēng i-ê lâi kiáⁿ; tùi án-ni hoē-chiòng chiū chū-chíp tī hoē-bō· mng-kháu.
⁵Mô·se kā hoē-chiòng kóng, Che chiū-sī Iâ-hô-hoa só· bēng-lēng tióh kiáⁿ ê sū. ⁶Mô·se toà A-lûn kap i ê kiáⁿ lâi, ēng chúí kā in soé. ⁷Kā i chhēng lâi-saⁿ, hâ toà, chhēng goā-phâu, tháh í-hut-tek, ēng kī-khá ê kang só· chit í-hut-tek ê toà kā i hâ, ēng án-ni lâi pāk i tī i ê seng-khu. ⁸Koh kā i tiò póc-koà, ēng O·lēng kap Thó·bēng, hē tī póc-koà-lâi.
⁹Ēng bō tī tī i ê thâu-khak; tī bō thâu-chēng ê téng-bīn tiò kim-pâi, chiū-sī sèng ê bián-liú; lóng sī chiàu Iâ-hô-hoa só· bēng-lēng Mô·se ê. ¹⁰Mô·se ēng boah in ê iú boah hoē-bō·, kap kī-tiong só· ū ê mih, hun-piat i choè-sèng.
¹¹Koh ēng hit ê iú hiú toāⁿ-téng chhit-pái, iā boah toāⁿ kap i it-chhè ê khi-kū kap soé-tng ê phûn, kap i ê chō, hun-piat i choè-sèng. ¹²Koh ēng boah ê iú tò tī A-lûn ê thâu-khak-téng, lâi boah i, hun-piat i choè-sèng. ¹³Mô·se toà A-lûn ê kiáⁿ lâi, kā in chhēng lâi-saⁿ, hâ toà, pau thâu-khak ê kun; lóng sī chiàu Iâ-hô-hoa só· bēng-lēng Mô·se ê.

¹⁴I khan siók-choē-chè ê gû-káng-á lâi; A-lûn kap i ê kiáⁿ hoāⁿ-chhiú tī siók-choē-chè gû-káng-á ê thâu-khak. ¹⁵Chiū thâi i; Mô·se thêh huìh, ēng chúg-thâu-á boah tī toāⁿ-téng sī-chiu-úi hiah ê kak, hō· toāⁿ chheng-khì; chiong huìh tò tī toāⁿ-kha hia, hun-piat i choè sèng, kā i siók-choē. ¹⁶Koh thêh chōng-hú só· ū ê iú, kap koaⁿ--nih ê bāng-se, í-kíp nng-liáp io-chí, kap in só· ū ê iú, Mô·se lóng sio i tī toāⁿ-téng. ¹⁷Nā-sī gû-káng-á, i ê phê, i ê bah, i ê pùn, ēng hé sio tī iāⁿ-goā; sī chiàu Iâ-hô-hoa só· bēng-lēng Mô·se ê.

¹⁸I khan sio-chè ê mī-iūⁿ-káng lâi; A-lûn kap i ê kiáⁿ hoāⁿ-chhiú tī iūⁿ-káng ê thâu-khak. ¹⁹Chiū thâi i; Mô·se ēng huìh hiú tī

toāⁿ-téng ê chiu-úi. ²⁰Chiong iūⁿ chhiat chit-tè chit-tè; Mô·se ēng thâu, kap bah-tè, í-kíp iú lóng sio i. ²¹Ēng chúí soé chōng-hú kap thúi; Mô·se chiū chiong ka-nng chiaⁿ iūⁿ sio tī toāⁿ-téng, choè phang-phang ê sio-chè, choè hé-chè hiàn hō· Iâ-hô-hoa; lóng sī chiàu Iâ-hô-hoa só· bēng-lēng Mô·se ê. ²²I koh khan tē-jī chiaⁿ mī-iūⁿ-káng, chiū-sī siat-líp sèng-chit ê lé ê iūⁿ, A-lûn kap i ê kiáⁿ hoāⁿ-chhiú tī iūⁿ ê thâu-khak. ²³Chiū thâi i; Mô·se thêh tām-póh huìh boah tī A-lûn ê chiāⁿ-pēng ê hī-á-súi, kap chiāⁿ-chhiú ê toā-pō·-bú, kap chiāⁿ-kha ê toā-pō·-bú. ²⁴Koh toà A-lûn ê kiáⁿ lâi, Mô·se ēng tām-póh huìh boah tī in chiāⁿ-pēng ê hī-á-súi, kap chiāⁿ-chhiú ê toā-pō·-bú, kap chiāⁿ-kha ê toā-pō·-bú; Mô·se koh ēng huìh hiú tī toāⁿ-téng ê chiu-úi. ²⁵Koh chúⁿ iú, kap pui ê bé, í-kíp chōng-hú it-chhè ê iú, kap koaⁿ--nih ê bāng-se, nng liáp io-chí kap in ê iú, kap chiāⁿ-thúi. ²⁶Koh tùi Iâ-hô-hoa ê bīn-chēng toé bō-kàⁿ-piáⁿ ê kheng, thêh-chhut chit tè bō-kàⁿ-piáⁿ, chit tè iū-piáⁿ, chit tè pōh-piáⁿ, lóng hē tī iú kap chiāⁿ-thúi-téng. ²⁷Chiong che it-chhè hē tī A-lûn ê chhiú, kap i ê kiáⁿ ê chhiú, choè iô-chè, tī Iâ-hô-hoa ê bīn-chēng iô i. ²⁸Mô·se tùi in ê chhiú thêh--lól-lâi, sio tī toāⁿ--nih sio-chè ê téng-bīn, lóng sī siat-líp sèng-chit ê lé, choè phang-phang; sī choè hiàn hō· Iâ-hô-hoa ê hé-chè. ²⁹Mô·se thêh iūⁿ ê heng choè iô-chè, tī Iâ-hô-hoa ê bīn-chēng iô i; sī tī siat-líp sèng-chit ê lé ê iūⁿ, Mô·se só· tit-tiòh ê hūn-giáh; lóng sī chiàu Iâ-hô-hoa só· bēng-lēng Mô·se ê. ³⁰Mô·se thêh boah ê iú, kap toāⁿ-téng ê huìh, hiú tī A-lûn kap i ê saⁿ, í-kíp i ê kiáⁿ, kap i ê kiáⁿ ê saⁿ; hō· A-lûn kap i ê saⁿ, í-kíp i ê kiáⁿ kap i ê kiáⁿ ê saⁿ, saⁿ-kap choè-sèng.

³¹Mô·se tùi A-lûn kap i ê kiáⁿ kóng,

Chiong bah chú tī hoē-bō· ê mng-kháu, tī hia chiáh i, iā chiáh siat-lip sèng-chit ê lé kheng-á-lāi ê piáⁿ, chiàu goá só· bēng-lēng-ê, kóng, Che sī A-lún kap i ê kiáⁿ tiòh chiáh ê. ³²Só· chhun ê bah kap piáⁿ, lín tiòh ēng hé sio--khì. ³³Lín chhit-jit kú m̄-thang chhut hoē-bō· ê mng, kàu lín siū siat-lip ê lé ê jit moá; in-ūi chhit-jit kú I beh kā lín kiáⁿ siat-lip ê lé. ³⁴Chhin-chhiūⁿ kin-á-jit só· kiáⁿ--ê, Iâ-hô-hoa hoan-hù tiòh án-ni kiáⁿ, ūi-tiòh lín siók-choē. ³⁵Chhit-jit kú lín tiòh m̄-jit tiàm tī hoē-bō· mng-kháu, siú Iâ-hô-hoa só· bēng-lēng ê chit-hūn, bián-tit lín sí; in-ūi goá só· siū ê bēng-lēng sī án-ni. ³⁶A-lún kap i ê kiáⁿ chiū kiáⁿ Iâ-hô-hoa thok Mô·-se só· bēng-lēng it-chhè ê sū.

9 Kàu tē-poeh jit, Mô·-se tiàu A-lún kap i ê kiáⁿ, í-kíp Í-sek-liát hiah ê tiúⁿ-ló lâi. ²Tùi A-lún kóng, Lí tiòh chhú chit-chiah soē chiah gū-káng-á, choē siók-choē-chè, chit chiah m̄-iūⁿ-káng choē sio-chè, tiòh bô hâ-chhū--ê, hiàn tī Iâ-hô-hoa ê bīn-chēng. ³Lí iā tiòh hoan-hù Í-sek-liát lāng kóng, Lín tiòh chhú chit chiah soaⁿ-iūⁿ-káng choē siók-choē-chè; koh chhú chit chiah gū-á-kiáⁿ, kap chit chiah m̄-iūⁿ-á, lóng tiòh bē-moá-ni, koh tiòh bô hâ-chhū ê, choē sio-chè. ⁴Koh chhú chit chiah gū-káng, chit chiah m̄-iūⁿ-káng, choē siā-un-chè, hiàn tī Iâ-hô-hoa ê bīn-chēng, kap chhú tiau-hô iū ê sò-chè; in-ūi kin-á-jit Iâ-hô-hoa beh hián-hiān hō· lín khoàⁿ. ⁵In chiū chiàu Mô·-se só· bēng-lēng--ê toà kàu hoē-bō· chēng; hoē-chiòng lóng kūn-oá lâi khiā tī Iâ-hô-hoa ê bīn-chēng. ⁶Mô·-se kóng, Che sī Iâ-hô-hoa bēng-lēng lín só· tiòh kiáⁿ ê; Iâ-hô-hoa ê ēng-kng chiū beh hián-hiān hō· lín khoàⁿ. ⁷Mô·-se tùi A-lún kóng, Lí tiòh kàu toāⁿ-chēng, hiàn lí ê siók-choē-chè, kap lí ê

sio-chè, ūi pún-sin kap peh-siⁿ siók-choē; koh hiàn peh-siⁿ ê lé-mih, thoē in siók-choē, lóng chiàu Iâ-hô-hoa só· bēng-lēng--ê.

⁸A-lún chiū kàu toāⁿ-chēng, thài hit chiah gū-á-kiáⁿ, ūi pún-sin choē siók-choē-chè ê. ⁹A-lún chiah ê kiáⁿ phāng hit ê huìh hō· i; i chiū ēng chng-thâu-á ùn huìh, boah tī toāⁿ-téng hiah ê kak; koh ēng huìh tò tī toāⁿ-kha-nih. ¹⁰Tòk-tòk siók-choē-chè ê iū kap io-chí, kap koaⁿ--nih ê bāng-se, i lóng sio tī toāⁿ-téng; chiàu Iâ-hô-hoa só· bēng-lēng Mô·-se ê. ¹¹I koh ēng hé chiong bah kap phê sio tī iāⁿ-goā.

¹²Chiū thài sio-chè ê cheng-siⁿ; A-lún chiah ê kiáⁿ phāng huìh hō· i, i chiū hiū tī toāⁿ-téng ê chiu-ūi. ¹³In koh ēng sio-chè ê bah, chit-tè chit-tè lian thau thèh hō· i; i lóng sio tī toāⁿ-téng. ¹⁴I koh soē chōng-hú kap thúi, sio tī toāⁿ-téng sio-chè ê téng-bīn. ¹⁵I toà peh-siⁿ ê lé-mih, chiong hit-chiah choē peh-siⁿ siók-choē-chè ê soaⁿ-iūⁿ-káng thài i, ūi-tiòh choē lâi hiàn, kap khí-thâu-ê tâng chit-iūⁿ. ¹⁶Iā toà sio-chè chiàu lē lâi hiàn. ¹⁷I koh toà sò-chè, tùi hit tiong-kan mi chit-pé; che sī tī chá-khí-siⁿ ê sio-chè í-goā.

¹⁸Koh thài gū-káng kap m̄-iūⁿ-káng choē peh-siⁿ ê siā-un-chè; A-lún chiah ê kiáⁿ phāng huìh hō· i, i chiū hiū tī toāⁿ-téng ê chiu-ūi. ¹⁹Koh thèh gū-káng ê iū; kap m̄-iūⁿ-káng pui ê bé, í-kíp khàm chōng-hú ê iū, kap io-chí, kap koaⁿ--nih ê bāng-se. ²⁰In chiong chiah ê iū hē tī hiah ê heng ê téng-bīn, i chiū chiong iū sio tī toāⁿ-téng. ²¹Chiah ê heng kap chiàⁿ-thúi, A-lún ēng i choē iō-chè, tī Iâ-hô-hoa ê bīn-chēng iō i; lóng sī chiàu Mô·-se só· bēng-lēng--ê. ²²A-lún òng peh-siⁿ kiáh-khí chhiú, kā in chiok-hok; i í-keng hiàn siók-choē-chè, sio-chè, siā-un-chè, chiū lōh--lâi. ²³Mô·-se A-

lùn chìn-jíp hoē-bō·, koh chhut-lâi kâ peh-sìⁿ chiok-hok; Iâ-hô-hoa ê êng-kng chiū hián-hián hō· chêng peh-sìⁿ khoàⁿ-kìⁿ. ²⁴Ū hé tùi Iâ-hô-hoa ê bìn-chêng chhut-lâi, sio toāⁿ-têng ê sio-chè, kap iū; chêng peh-sìⁿ khoàⁿ-kìⁿ, chiū chhut toā hoaⁿ-hí ê siaⁿ, phak tī toē-nih.

10 A-lùn ê kiáⁿ Ná-tap, A-pí-hō·, tak ê thèh ka-kī ê hiuⁿ-lô·, toé hé, kap hiuⁿ, tī Iâ-hô-hoa ê bìn-chêng hián pát-hō ê hé, sī I só· bō bēng-lēng in ê. ²Chiū ū hé tùi Iâ-hô-hoa ê bìn-chêng hoat-chhut, lâi sio in; in chiū sí tī Iâ-hô-hoa ê bìn-chêng. ³Mô·se tùi A-lùn kóng, Che sī Iâ-hô-hoa só· kóng ê; I kóng, Goá beh tī chhin-kūn Goá ê lāng, hián-bēng choē-sèng; tī chêng peh-sìⁿ ê bìn-chêng, Goá beh tit-tiòh êng-kng. A-lùn iā chēng-chēng. ⁴Mô·se kiò A-lùn ê chek O·siat ê kiáⁿ, Bí-sa-lī, Í-lī-sat-hoán lâi, kâ in kóng, Chìn-chêng lâi chiong lín ê chhin-lāng tùi sèng-só· ê bìn-chêng kng kàu iāⁿ-goā. ⁵In nāng lāng chìn-chêng lâi, chiū in só· chhēng ê saⁿ kng-chhut iāⁿ-goā; sī chiàu Mô·se só· bēng-lēng--ê. ⁶Mô·se tùi A-lùn kap i ê kiáⁿ Í-lī-a-sat Í-tha-má kóng, M̄-thang phah-soàⁿ thâu-m̄ng, iā m̄-thang thiah-llh saⁿ; bián-tit lín sí, koh bián-tit Iâ-hô-hoa siū-khì hoē-chiòng; tók-tók lín ê hiaⁿ-tī Í-sek-liát choân-ke, ūi-tiòh Iâ-hô-hoa só· hoat-chhut ê hé lâi ai-khàu. ⁷Lín iā m̄-thang chhut hoē-bō· m̄ng, kiaⁿ-liáu lín oē sí; in-ūi Iâ-hô-hoa ê iū boah tī lín ê seng-khu; in chiū chiàu Mô·se ê oē lâi kiáⁿ.

⁸Iâ-hô-hoa hoan-hù A-lùn kóng, ⁹Lí kap lí ê kiáⁿ jíp hoē-bō· ê sī, pòh-chiú kàu-chiú, lóng m̄-thang lim, bián-tit lín sí, che beh choē lín tak sè-tāi éng-oán ê lē; ¹⁰hō· lín thang hun-piat sèng kap bō sèng--ê, bō chheng-khì kap chheng-khì--ê; ¹¹koh hō· lín thang chiong Iâ-

hō-hoa thok-tiōng Mô·se hoan-hù Í-sek-liát lāng it-chhè ê lút-lē kà-sī in.

¹²Mô·se tùi A-lùn kap i só· chhun ê kiáⁿ Í-lī-a-sat Í-tha-má kóng, Lín thèh Iâ-hô-hoa hé-chè só· chhun ê sò·-chè, tiòh tī toāⁿ-piⁿ chiáh i, m̄-thang chham kàⁿ; in-ūi sī chhì-sèng--ê. ¹³Lín tiòh chiáh i tī sèng ê só·-chāi, in-ūi tī hián hō· Iâ-hô-hoa ê hé-chè-tiòng, che sī lí ê hūn-giáh, kap lí ê kiáⁿ ê hūn-giáh; só· bēng-lēng goá ê chiū-sī án-ni. ¹⁴Só· iô ê heng, só· kú-khí ê thúi, lín tiòh tī chheng-khì ê só·-chāi chiáh i, lí kap lí ê kiáⁿ, lí ê cha-bó·-kiáⁿ, lóng tiòh saⁿ-kap chiáh; in-ūi chiaⁿ-ê sī tùi Í-sek-liát lāng siā-un-chè-tiòng hō· lí, choē lí ê hūn-giáh, kap lí ê kiáⁿ ê hūn-giáh. ¹⁵Só· kú-khí ê thúi, só· iô ê heng, in tiòh kap hé-chè ê iū saⁿ-kap toā--lâi, choē iô-chè tī Iâ-hô-hoa ê bìn-chêng iô i; che tiòh kui lí kap lí ê kiáⁿ, choē éng-oán tit-tiòh ê hūn-giáh; lóng sī chiàu Iâ-hô-hoa só· bēng-lēng ê.

¹⁶Hit-sī Mô·se tì-ì chhē choē siók-choē-chè ê soaⁿ-iūⁿ-káng; khoàⁿ ah, í-keng sio--khì; chiū siū-khì A-lùn só· chhun ê kiáⁿ Í-lī-a-sat Í-tha-má, kóng, Chit ê siók-choē-chè í-keng sī chhì-sèng--ê, I koh ēng hit-ê kui hō· lín, lâi tam-tng hoē-chiòng ê choē-koà, tī Iâ-hô-hoa ê bìn-chêng kâ in siók; lín siáⁿ-sū bō chiáh i tī sèng ê só·-chāi ah? ¹⁸Khoàⁿ ah, hit ê huìh bō toà jíp sèng-só· lâi; lín pún tiòh chiáh i tī sèng-só·; chiàu goá só· bēng-lēng--ê. ¹⁹A-lùn tùi Mô·se kóng, Khoàⁿ ah, kin-á-jít in tī Iâ-hô-hoa ê bìn-chêng hián in ê siók-choē-chè, kap in ê sio-chè; goá koh tú-tiòh chhin-chhiūⁿ án-ni; goá nā kin-á-jít chiáh siók-choē-chè, Iâ-hô-hoa kiám oē khoàⁿ choē-hó mah? ²⁰Mô·se thiaⁿ-kìⁿ, chiū liáh chit ê oē choē hó.

11 Iâ-hô-hoa hoan-hù Mô·se A-lùn, tùi in kóng, Lín tiòh hoan-hù Í-sek-liát lāng kóng,

Tī toē-chiūⁿ it-chhè chāu-siù-tiong thang chiáh ê oáh-mih, chiū-sī chiah-ê. ³Kìⁿ-nā pun-toē thiah-chhe, hoan-chháu ê cheng-siⁿ, lín lóng thang chiáh i. ⁴Tók-tók hoan-chháu, á-sī pun-toē ê tiong-kan m̄-thang chiáh-ê, chiū-sī chiah-ê; lók-tô, in-ūi hoan-chháu, bô pun-toē, tui tī lín sī bô chheng-khì. ⁵Sa-hoan, in-ūi ū hoan-chháu bô pun-toē, tui tī lín sī bô chheng-khì. ⁶Thó-á, in-ūi ū hoan-chháu, bô pun-toē, tui tī lín sī bô chheng-khì. ⁷Ti, in-ūi ū pun-toē thiah-chhe, chong-sī bô hoan-chháu, tui tī lín sī bô chheng-khì. ⁸Hiah ê bah lín lóng m̄-thang chiáh; sí-ê lín lóng m̄-thang bong; tui tī lín sī bô chheng-khì.

⁹Chui-tiong lín só[·] thang chiáh--ê chiū-sī chiah-ê; kìⁿ-nā tī chui--nih, hái--nih, hô--nih, ū-sit ū-lân ê, lóng thang chiáh i. ¹⁰Kìⁿ-nā tī hái--nih, hô--nih, chui-lāi it-chhè ê tōng-bút, chiū-sī chui-lāi it-chhè ê oáh-mih, kìⁿ-nā bô-sit bô-lân ê, lín lóng tióh liáh-choè khó-òⁿ. ¹¹Hiah-ê tui tī lín sī khó-òⁿ--ê; lín m̄-thang chiáh i ê bah; sí-ê iā tióh liáh-choè khó-òⁿ. ¹²Kìⁿ-nā chui-lāi bô-sit bô-lân ê, lín lóng tióh liáh-choè khó-òⁿ.

¹³Chiáu-chiah ê tiong-kan lín tióh liáh-choè khó-òⁿ-ê, chiū-sī chiah-ê; lín m̄-thang chiáh i, in-ūi sī khó-òⁿ, chiū-sī eng, hiau, tiau, ian, sió-eng kap i ê lūi, o[·]-a kap i ê lūi, tô-chiáu, kang ê tô-chiáu, hî-eng, chhiok-eng kap i ê lūi, àm-kong-chiáu, lô[·]-chí, ko[·]-ng, niau-thâu-eng, thê-ô[·], chhàu-thâu-eng, hoh, pèh-leng-si kap i ê lūi, tì-kè-chiáu, kap pián-hok.

²⁰Kìⁿ-nā ū-sit ê thāng, ēng sì-kha kiāⁿ ê, lín lóng tióh liáh-choè khó-òⁿ. ²¹Tók-tók ū-sit ê thāng, ēng sì-kha kiāⁿ ê, kî-tiong ū kha ū thúi, ēng lāi thiàu tī toē--nih ê, lín iā thang chiáh i. ²²Kî-tiong ū hông-thiông, má-chà, sek-sut, kap i ê lūi, chà-bēng kap i ê lūi, chiah-

ê lín lóng thang chiáh i. ²³Tók-tók kìⁿ-ū sit ū sì-kha teh pē ê mih, lín lóng tióh liáh-choè khó-òⁿ.

²⁴Tui ē-bīn chiah-ê lóng oē hō[·] lín bô chheng-khì, kìⁿ-nā bong--tióh hit ê sí ê, tek-khak bô chheng-khì kàu ê-hng sí. ²⁵Kìⁿ-nā thèh-tiòh sí-si ê chit-tè-á, tióh soé i ê i-hók, tek-khak bô chheng-khì kàu ê-hng sí. ²⁶Kìⁿ-nā cheng-siⁿ ū pun-toē bô thiah-chhe, iā bô hoan-chháu-ê, tui tī lín sī bô chheng-khì; kìⁿ-nā bong-ê iā bô chheng-khì. ²⁷Kìⁿ-nā sì-kha ê siù, kî-tiong ēng kha-chiūⁿ kiāⁿ--ê, tui tī lín sī bô chheng-khì; bong i ê sí-si--ê tek-khak bô chheng-khì kàu tī ê-hng sí. ²⁸Thèh i ê sí-si--ê tióh soé i ê i-hók; tek-khak bô chheng-khì kàu ê-hng sí; chiah-ê tui tī lín sī bô chheng-khì.

²⁹Toē-chiūⁿ teh pē ê mih, tui tī lín bô chheng-khì-ê, chiū-sī chiah-ê; iū-chhú, sèk-chhú, sek-ék, kap i ê lūi, ³⁰piah-hó[·], liông-chú, siú-kiong, siā-i, ián-tēng. ³¹Teh pē ê mih ê tiong-kan, chiah-ê tui tī lín sī bô chheng-khì-ê; tī in í-keng sí, kìⁿ-nā bong i ê, tek-khak bô chheng-khì kàu ê-hng-si. ³²Kî-tiong ū sí-ê ka-lauh tī sím-mih mih, hit ê mih chiū bô chheng-khì; bô-lūn sī chhâ ê khi-kū, á-sī i-hók, á-sī phê, á-sī pò[·]-tē, bô-lūn sī choè sím-mih lō[·]-ēng ê khi-kū, tióh hē tī chui--nih, tek-khak bô chheng-khì kàu ê-hng, hit-si chiah chheng-khì. ³³Nā in ū chit-chiah poáh tī hui-khì-lāi, hí lāi-bīn bô-lūn ū sím-mih, chiū bak bô chheng-khì; lín tióh chiong chit ê hui-khì phah-phoà. ³⁴Hit lāi-bīn it-chhè oē chiáh--tit ê chiáh-mih, bak-tiòh chui ê, chiū bô chheng-khì; koh hit-hō khi-kū-lāi oē lim--tit-ê, iā sī bô chheng-khì. ³⁵Hiah ê sí-si, nā ū chit-tè ka-lauh tī sím-mih mih-kiāⁿ, hit ê mih-kiāⁿ chiū bô chheng-khì; bô-lūn sī hong-lô[·], á-sī chàu, chiū tióh phah-phoà, lóng bô chheng-

khì, iā tui tī lín sī bô chheng-khì. ³⁶Chóng-sī chúí-choân á-sī chū-chíp chúí ê tī iū-goân sī chheng-khì; nā kháp-tiòh hit ê sí-si-ê, chiū bô chheng-khì. ³⁷Nā tī sí-si ū chít-tè ka-lauh tī beh cheng ê cheng-chí, cheng-chí iū-goân chheng-khì. ³⁸Nā chúí í-keng kā i phah-tâm, hit ê sí-si ū chít-tè ka-lauh tī i ê téng-bīn, hit ê cheng-chí tui tī lín sī bô chheng-khì.

³⁹Lín só· thang chiáh ê cheng-siⁿ, i nā ka-kī sí; ū lāng bong-tiòh i ê sí-si, i tek-khak bô chheng-khì kàu ê-hng-sī. ⁴⁰Ū lāng chiáh hit ê sí ê cheng-siⁿ, tiòh soé i ê i-hók, tek-khak bô chheng-khì kàu ê-hng-sī; thèh sí ê cheng-siⁿ--ê iā tiòh soé i ê i-hók; tek-khak bô chheng-khì kàu ê-hng-sī.

⁴¹Kìⁿ-nā tī toē-chiūⁿ teh pē ê mih sī khó-òⁿ--ê, lóng m̄-thang chiáh. ⁴²Kìⁿ-nā ēng pak-tó· kiāⁿ ê, kap ēng sì-kha kiāⁿ ê, á-sī ū choē-choē kha ê, chiū-sī it-chhè pē tī toē-chiūⁿ ê, lín lóng m̄-thang chiáh; in-ūi sī khó-òⁿ ê mih. ⁴³Lín m̄-thang in-ūi sím-mih teh pē ê mih, hō· ka-kī chiāⁿ choē khó-òⁿ, iā m̄-thang in-ūi chia-hê hō· ka-kī bô chheng-khì, tì-kàu lín bak lâ-sâm. ⁴⁴In-ūi Goá sī Iâ-hô-hoa lín ê Siōng-tè, lín tiòh ka-kī sèng lâi chiāⁿ-sèng; in-ūi Goá sī sèng, lín iā m̄-thang ēng tī toē-chiūⁿ teh pē ê mih lâi phah lâ-sâm ka-kī. ⁴⁵In-ūi Goá sī chhoā lín chhut Ai-kíp toē ê Iâ-hô-hoa, beh choē lín ê Siōng-tè; só·í lín tiòh sèng, in-ūi Goá sī sèng.

⁴⁶Che sī cháu-siù, pe-chiáu, kap chúí-tiong oē tín-tāng ê oáh-mih, í-kíp oē pē tī toē-chiūⁿ ê mih ê kui-lē. ⁴⁷Tiòh hun-piat bô chheng-khì-ê kap chheng-khì-ê, oē-chiáh-tit ê oáh-mih.

12 Iâ-hô-hoa hoan-hù Mô-se kóng, Lí tiòh hoan-hù Í-sek-liát lāng kóng, Nā ū hū-jîn-lāng hoai-īn siⁿ ta-po·-kiáⁿ, i chiū bô

chheng-khì chhit-jit, chhin-chhiūⁿ tī keng-kî-lāi lâ-sâm ê jit bô chheng-khì chit-iūⁿ. ³Kàu tē-poeh jit hit ê eⁿ-á tiòh siū kat-lé. ⁴Hū-jîn-lāng iáu teh lâu-huih, tiòh tiām tī i ê chhū saⁿ-cháp-saⁿ jit; chheng-khì ê jit iáu-bē moá, m̄-thang bong sèng ê mih, iā m̄-thang jlp sèng ê só·-chāi. ⁵I nā siⁿ cha-bó·-kiáⁿ, chiū bô chheng-khì n̄g ê chhit jit, chhin-chhiūⁿ tī keng-kî ê sí chit-iūⁿ; nā iáu teh lâu-huih, tiòh tiām tī i ê chhū lāk-cháp-lāk jit, chia-h chheng-khì. ⁶Tī i chheng-khì ê jit moá, bô-lūn sī ūi ta-po·-kiáⁿ, á-sī cha-bó·-kiáⁿ, i tiòh ēng bē-moá-ni ê iūⁿ-á choē sio-chè, chit chia-h chíⁿ-á-kiáⁿ, á-sī chit chia-h ka-chui, choē siók-choē-chè, toà kàu hoē-bō· m̄ng-kháu, kau-tài chē-si. ⁷Chē-si tiòh hiàn tī Iâ-hô-hoa ê bīn-cheng, ūi i siók-choē; i ê huih-goân chiū chheng-khì; che chiū-sī hū-jîn-lāng siⁿ ta-po·-kiáⁿ á-sī siⁿ cha-bó·-kiáⁿ ê kui-lē. ⁸I ê khui-lát nā bô kàu-giáh thang hiàn chit chia-h iūⁿ-á, i chiū tiòh ēng n̄g-chia-h ka-chui, á-sī n̄g chia-h chíⁿ-á-kiáⁿ, chit-chia-h choē sio-chè, chit-chia-h choē siók-choē-chè; chē-si tiòh thoē i siók-choē, i chiū chheng-khì.

13 Iâ-hô-hoa hoan-hù Mô-se A-lún kóng, Lāng ê phê-hu nā cheng, kiám-chhái siⁿ-sián, á-sī siⁿ hé-pan, tī i ê phê-hu pìⁿ-chiāⁿ thái-ko ê cheng-thâu, tiòh chhoā i kàu chē-si A-lún, á-sī kàu i ê kiáⁿ-sun chit ê chē-si ê bīn-cheng; ³chē-si tiòh giām phê-hu ê cheng-thâu; nā sī tiòh cheng-thâu ê só·-chāi hit ê m̄ng í-keng piàn-péh, cheng-thâu ê khoán-sit chhim-jlp-khì tī phê-hu-lāi, che chiū-sī thái-ko ê cheng-thâu; chē-si tiòh giām i, toàn i choē bô chheng-khì. ⁴Nā hé-pan tī i ê phê-hu sī pēh-ê, khoán-sit bô chhim-jlp tī phê-hu-lāi, i ê m̄ng iā bô piàn-péh, chē-si chiū tiòh chiong ū cheng-thâu ê lāng koaiⁿ-kìm chhit-

jít. ⁵Kàu tē-chhit jít chè-si tióh giām i; khoàⁿ ah, nā khoàⁿ-kìⁿ cheng-thâu í-keng theng-chí, i ê cheng-thâu bô thoàⁿ jíp phê-hu, chè-si tióh koh kâ i koaiⁿ-kìm chhit-jít kú. ⁶Kàu tē-chhit jít chè-si tióh koh giām i; khoàⁿ ah, nā cheng-thâu khah hoa, koh cheng-thâu bô thoàⁿ-jíp phê-hu, chè-si tióh toàn i choè chheng-khì; sī sián nā-tiāⁿ; hit-lâng chiū tióh soé saⁿ-khò, tit-tióh choè chheng-khì. ⁷Chóng-sī i ūi-tióh chheng-khì, chiong seng-khu hō· chè-si giām-liáu, sián nā thoàⁿ tī phê-hu, i tióh koh khi hō· chè-si giām. ⁸Chè-si tióh giām i; khoàⁿ ah, sián nā thoàⁿ tī phê-hu; chè-si tióh toàn i choè bô chheng-khì; sī thái-ko.

⁹Lâng í-keng ū thái-ko ê cheng-thâu, chiū tióh chhoā i kìⁿ chè-si. ¹⁰Chè-si tióh giām i; khoàⁿ ah, phê-hu nā ū só·-chāi cheng pèh-pèh, tì-kàu i ê mng piàn-pèh, tī cheng ê só·-chāi kìⁿ chhiah-bah, che sī phê-bah kú ê thái-ko; chè-si tióh toàn i choè bô chheng-khì, m̄-bián koh koaiⁿ-kìm i, in-ūi i sī bô chheng-khì. ¹²Thái-ko nā siⁿ-thoàⁿ tī phê-hu ê sī-ūi, tī hoān cheng-thâu ê lâng ê phê-hu khí kàu moá-moá, chiàu chè-si giām i, tui thâu kàu kha bô chít só·-chāi bô; ¹³chè-si chiū tióh giām i; khoàⁿ ah, thái-ko nā í-keng khí tī choān-sin, chiū tióh toàn hit ê hoān-tióh cheng-thâu-ê choè chheng-khì; thong seng-khu lóng piàn-pèh, i sī chheng-khì. ¹⁴Chóng-sī i ê seng-khu sím-mih sī kìⁿ chhiah-bah, hit-sī chiū bô chheng-khì. ¹⁵Chè-si tióh giām hit ê chhiah-bah, chiū toàn i sī bô chheng-khì; chhiah-bah pún sī bô chheng-khì, sī thái-ko. ¹⁶Chhiah-bah nā hók-goān, koh piàn-pèh, i tióh lái kìⁿ chè-si; chè-si tióh giām i; ¹⁷khoàⁿ ah, cheng-thâu nā piàn-pèh, chè-si chiū tióh toàn hit ê hoān cheng-thâu-ê choè chheng-khì; i chiū chheng-khì.

¹⁸Lâng nā tī phê-hu siⁿ liáp-á, iā ū i-hó, ¹⁹tī siⁿ liáp-á ê só·-chāi koh cheng pèh-pèh, á-sī hún-âng-sek ê hé-pan, chiū tióh hō· chè-si giām. ²⁰Chè-si tióh giām i; khoàⁿ ah, nā khoán-sit thau-jíp phê-hu-lāi, i ê mng iā piàn-pèh, chè-si tióh toàn i choè bô chheng-khì, sī thái-ko ê cheng-thâu, hoat tī liáp-á lái. ²¹Chè-si nā giām i; khoàⁿ ah, hit téng-bīn bô ū pèh ê mng, iā bô thau-jíp tī phê-hu-lāi, koh ū khah-hoa, chè-si chiū tióh kâ i koaiⁿ-kìm chhit-jít. ²²Nā siⁿ-thoàⁿ tī phê-hu, chè-si chiū tióh toàn i choè bô chheng-khì; sī hoān-tióh cheng-thâu. ²³Hé-pan nā tī goān só·-chāi theng-chí, bô siⁿ-thoàⁿ, chiū-sī liáp-á ê hūn-jiah; chè-si chiū tióh toàn i choè chheng-khì.

²⁴Lâng ê phê-bah nā hō· hé sio-tióh, sio-tióh ê só·-chāi kìⁿ chhiah-bah, chiāⁿ-choè hé-pan, á-sī hún-âng, á-sī lóng-chóng pèh; ²⁵chè-si chiū tióh giām i; khoàⁿ ah, hé-pan-tiong ê mng nā piàn-pèh, khoán-sit koh chhim-jíp tī phê-hu-lāi, sī thái-ko tī hé-sio ê tiong-kan hoat--khí-lái; chè-si chiū tióh toàn i choè bô chheng-khì, sī thái-ko ê cheng-thâu. ²⁶Chóng-sī chè-si giām-liáu, khoàⁿ ah, tī hé-jiah bô ū pèh-mng, iā bô thau-jíp phê-hu-lāi, koh ū khah-hoa, chè-si chiū tióh kâ i koaiⁿ-kìm chhit-jít. ²⁷Kàu tē-chhit jít chè-si tióh giām i; nā thoàⁿ tī phê-hu, chè-si chiū tióh toàn i choè bô chheng-khì; sī thái-ko ê cheng-thâu. ²⁸Hé-pan nā tī goān só·-chāi theng-chí, bô siⁿ-thoàⁿ tī phê-hu, koh ū khah-hoa, sī tui hé sio--tióh lái cheng; chè-si tióh toàn i choè chheng-khì; put-kò sī hé sio-tióh ê hūn-jiah.

²⁹Bô-lūn lâm-lú, nā tī thau-khak á-si chhui-chhiu ū tī cheng-thâu, ³⁰chè-si tióh giām hit ê cheng-thâu; khoàⁿ ah, khoán-sit nā chhim-jíp tī phê-hu-lāi, hit tiong-kan ū iù-iù ng ê mng, chè-si chiū tióh toàn i choè bô chheng-khì;

che sī chhng, chiū-sī thâu-khak á-sī chhui-chhiu--nih ê thái-ko. ³¹Chè-si giām hit ê chhng ê cheng-thâu, khoàⁿ ah, khoán-sit nā bô chhim-jlp phê-hu-lāi, hit tiong-kan iā bô o̍ ê mng, chè-si chiū tiōh chiong hoān-tiōh chhng ê cheng-thâu ê, koaiⁿ-kìm chhit-jlt kú.

³²Kàu tē-chhit jlt chè-si tiōh giām hit ê cheng-thâu, khoàⁿ ah, chhng nā bô thoàⁿ, hit tiong-kan iā bô ng ê mng, chhng ê khoán-sit iā bô chhim-jlp phê-hu-lāi; ³³hit-lâng tiōh thì i ê mng, chóng-sī chhng m̄-thang thì; chè-si tiōh koh koaiⁿ-kìm hit ê siⁿ-chhng-ê chhit-jlt kú. ³⁴Kàu tē-chhit jlt chè-si tiōh giām hit ê chhng; khoàⁿ ah, chhng nā bô thoàⁿ tī phê-hu, khoán-sit iā bô chhim-jlp tī phê-hu-lāi, chè-si chiū tiōh toàn i choè chheng-khì; i tiōh soé saⁿ-khò, chiū chiāⁿ-choè chheng-khì. ³⁵Chóng-sī i chheng-khì í-āu chhng nā thoàⁿ tī phê-hu, chè-si tiōh giām i; ³⁶khoàⁿ ah, i ê chhng nā thoàⁿ tī phê-hu, chè-si m̄-bián koh chhē ng ê mng; i sī bô chheng-khì. ³⁷Nā chiàu i khoa, chhng í-keng theng-chí, hit tiong-kan nā hoat o̍ ê mng, chhng kì-jiân hó, hit-lâng sī chheng-khì; chè-si chiū tiōh toàn i choè chheng-khì.

³⁸Bô-lūn lâm-lú, phê-bah nā khí hé-pan, chiū-sī pēh-sek ê hé-pan; chè-si tiōh giām i; ³⁹khoàⁿ ah, in ê phê-bah ê hé-pan, nā sī hé-hu sek, che sī phê-hu só̍ hoat ê pēh-phā, hit lâng sī chheng-khì.

⁴⁰Lâng nā lut thâu-mng, i ê thâu-khak sī kng-khō-khō, iáu sī chheng-khì. ⁴¹I ê thâu-khak-cheng ê thâu-mng nā lut, i sī liù-hiáh-ê; iáu-kú sī chheng-khì. ⁴²Thâu-khak kng-khō-khō ê só̍-chāi, á-sī liù-hiáh ê só̍-chāi, nā ū hún-âng-sek ê cheng-thâu, che sī thái-ko hoat tī thâu kng-khō-khō ê só̍-chāi, á-sī liù-hiáh ê só̍-chāi. ⁴³Chè-si tiōh giām i; khoàⁿ ah,

i ê cheng-thâu nā tī thâu-khak kng-khō-khō ê só̍-chāi, á-sī liù-hiáh ê só̍-chāi, ū hún-âng-sek cheng--khí-lāi, chhin-chhiūⁿ phê-bah thái-ko ê khoán-sit, ⁴⁴hit-lâng chiū-sī khí thái-ko, bô chheng-khì-ê; chè-si tek-khak tiōh toàn i choè bô chheng-khì; i ê cheng-thâu sī tī thâu-khak.

⁴⁵Ū thái-ko ê cheng-thâu-ê, i ê saⁿ-khò tiōh thiah-líh, i ê thâu-mng tiōh phah-soàⁿ, ng i ê chhui ê téng-tún, kiò kóng, Bô chheng-khì, bô chheng-khì. ⁴⁶Cheng-thâu tī i ê seng-khu ê jlt, i chiū bô chheng-khì; i kì-jiân sī bô chheng-khì; i tiōh ka-kī tiàm; i ê só̍-chāi tī iāⁿ-goā.

⁴⁷Jiám--tiōh thái-ko cheng ê saⁿ-khò, bô-lūn sī iūⁿ-mng ê, á-sī toē-pò; ⁴⁸bô-lūn sī kiⁿ, sī hui, sī toē-pò ê; si iūⁿ-mng ê, sī phê ê, á-sī phê choè ê mih; ⁴⁹hit ê cheng-thâu nā sī chhiⁿ á-sī âng ê sek, tī saⁿ-khò, tī phê, tī kiⁿ, tī hui, á-sī tī phê choè ê mih, sī thái-ko ê cheng-thâu, tiōh hō̍ chè-si giām. ⁵⁰Chè-si tiōh giām hit ê cheng-thâu, chiong jiám-tiōh cheng-thâu ê mih, koaiⁿ-kìm chhit-jlt. ⁵¹Kàu tē-chhit jlt, i tiōh giām hit ê cheng-thâu; cheng-thâu nā thoàⁿ tī saⁿ-khò, tī kiⁿ, tī hui, tī phê, chit ê phê bô-lūn choè sím-mih lō̍-ēng, hit ê cheng-thâu sī ok ê thái-ko; lóng sī bô chheng-khì. ⁵²Hit ê jiám--tiōh cheng-thâu ê saⁿ-khò, hék-sī kiⁿ, sī hui, sī iūⁿ-mng, sī toē-pò, á-sī phê choè ê mih, i lóng tiōh sio--khì, in-ũi che sī ok ê thái-ko, tek-khak tī hé-tiong sio--khì. ⁵³Chè-si giām i; khoàⁿ ah, cheng-thâu nā bô thoàⁿ tī saⁿ--nih, tī kiⁿ, tī hui, á-sī phê-choè ê mih; ⁵⁴chè-si tiōh hoan-hù in soé hit ê jiám--tiōh cheng-thâu ê mih, koh koaiⁿ-kìm chhit-jlt. ⁵⁵Cheng-thâu soé liáu-āu chè-si tiōh giām i; khoàⁿ ah, cheng-thâu nā bô piàn-sek, cheng-thâu nā bô koh thoàⁿ, hit-ê

chiū bô chheng-khì; sī ok-tók ê cheng-thâu; bô-lūn bīn pháiⁿ, lí pháiⁿ, lóng tiòh ēng hé sio.

⁵⁶Soé liáu-āu, chè-si giām i; khoàⁿ ah, nā hit ê cheng-thâu khah hoa, i chiū tiòh tui saⁿ, á-sī phê, á-sī kiⁿ, á-sī hui, ká i thiah--khí-lāi.

⁵⁷Nā sī iáu-kú hoat-hiān tī saⁿ--nih, á-sī kiⁿ, á-sī hui, á-sī phê-choè ê mih, che sī cheng-thâu teh hoat; tiòh ēng hé sio hit ê jiām--tiòh cheng-thâu ê mih. ⁵⁸Lí só· soé ê saⁿ, hék-sī kiⁿ, hék-sī hui, hék-sī phê-choè ê mih, nā cheng-thâu i-lī-khui, tiòh koh-chài soé, chiū chheng-khì. ⁵⁹Che chiū-sī thái-ko cheng-thâu ê kui-lē, bô-lūn sī tī iūⁿ-mng-saⁿ, toē-pò·saⁿ, tī kiⁿ, tī hui, kap phê-choè ê mih, thang toàn-choè chheng-khì, á-sī toàn-choè bô chheng-khì.

14 Iā-hô-hoa hoan-hù Mô·se kóng, Thái-ko--ê tit-tiòh chheng-khì ê jít, i ê kui-lē chiū-sī án-ni; tiòh chhoā i khi kìⁿ chè-si. ³Chè-si tiòh chhut iāⁿ-goā; chè-si tiòh giām i; khoàⁿ ah, thái-ko--ê, nā i ê thái-ko-cheng í-keng hó, chè-si tiòh hoan-hù lāng ūi-tiòh hit-ê beh tit-tiòh chheng-khì-ê, chhú nng-chiah chheng-khì oáh-oáh ê chiáu, kap pek-hiuⁿ-chhâ, chu-áng-sek ê liāu, kap giū-chhek-chháu. ⁵Chè-si tiòh hoan-hù lāng thài hit nng chiah chiáu ê chit-chiah tī oáh-chúi ê téng-bīn, tī hui-khì-lāi. ⁶Lūn-kàu hit chiah oáh-chiáu, i tiòh liāh i, ēng pek-hiuⁿ-chhâ, chu-áng-sek ê liāu, kap giū-chhek-chháu, kap oáh-chiáu, lóng ùn tī hit-chiah thài tī oáh-chúi-téng ê chiáu ê huih. ⁷Tiòh hiū hit ê thái-ko beh tit-tiòh chheng-khì ê lāng chhit-pái; chiū toàn i choè chheng-khì, koh pàng hit chiah oáh-chiáu khi soaⁿ--nih. ⁸Beh tit-tiòh chheng-khì ê lāng tiòh soé i ê i-chiūⁿ, it-chīm thì i ê mng, ēng chúi soé seng-khu chiū chheng-khì; jiān-āu thang jlp

iāⁿ, tók-tók tiòh tī ka-kī ê pò·pīⁿ-goā khiā-khí chhit-jít. ⁹Kàu tē-chhit jít tiòh it-chīm thì i ê thau-mng, kap chhui-chhiu, bák-bái, chiū-sī thì i lóng-chóng ê mng, koh tiòh soé i ê saⁿ-khò·, ēng chúi soé seng-khu, chiū chheng-khì.

¹⁰Kàu tē-poej jít, i tiòh chhú nng chiah bô hā-chhū ê iūⁿ-káng-á, kap chit-chiah bē-moá-ni bô hā-chhū ê iūⁿ-chéng-á, koh tiòh ēng tiau-hô iū ê mī-hún i-hoat chap-hūn-saⁿ choè sò·chè, kap iū chit lô-kek. ¹¹Kiāⁿ chheng-khì ê lé ê chè-si, tiòh chiong hit-ê ài tit-tiòh chheng-khì ê lāng, kap hiah ê mih, an-ti tī hoē-bō· mng-kháu, Iā-hô-hoa ê bīn-cheng. ¹²Chè-si tiòh chhú iūⁿ-káng-á ê chit-chiah, hiān choè pò·kè-sit ê chè, kap iū chit lô-kek, lóng iō tī Iā-hô-hoa ê bīn-cheng choè iō-chè. ¹³Koh tiòh thài iūⁿ-káng-á tī sèng-só· ê toē, chiū-sī thài siók-choē-chè kap sio-chè ê só·chāi; pò·kè-sit-chè tiòh kui hō· chè-si, chhin-chhiūⁿ siók-choē-chè chit-poaⁿ-iūⁿ; sī chī-sèng--ê. ¹⁴Chè-si tiòh thèh tām-pòh pò·kè-sit-chè ê huih, boah tī ài tit-tiòh chheng-khì ê lāng chiāⁿ-pēng ê hī-á-sui, kap chiāⁿ-chhiú ê toā-pō·bú, kap chiāⁿ-kha ê toā-pō·bú. ¹⁵Chè-si tiòh tui hit chit lô-kek iū ê tiong-kan thèh tām-pòh, tò tī ka-kī tò-chhiú ê chhiú-tiong-sim. ¹⁶Chè-si tiòh ēng chiāⁿ-chhiú ê chit ki chng-thau-á ùn tò-chhiú chhiú-tiong-sim ê iū, tī Iā-hô-hoa ê bīn-cheng, ēng chng-thau-á hiū iū chhit-pái. ¹⁷Chè-si chiong chhiú-tiong só· chhun ê iū, boah tī hit-ê ài tit-tiòh chheng-khì ê lāng chiāⁿ-pēng ê hī-á-sui, kap chiāⁿ-chhiú ê toā-pō·bú, kap chiāⁿ-kha ê toā-pō·bú, chiū-sī boah thài tī pò·kè-sit-chè ê huih-téng. ¹⁸Chè-si chhiú-tiong só· chhun ê iū, tiòh piāⁿ tī hit-ê ài tit-tiòh chheng-khì ê lāng ê thau-khak-téng; chè-si tī Iā-hô-hoa ê

bīn-chêng kā i siók-choē. ¹⁹Chè-si tióh hiàn siók-choē-chè, kā hit-ê ài tit-tióh chheng-khì ê lāng, ūi-tióh i ê bô chheng-khì siók-choē; jiān-āu thāi hit ê sio-chè ê cheng-siⁿ. ²⁰Chè-si tióh tī toāⁿ-téng hiàn sio-chè kap sò-chè; chè-si tióh ūi i siók-choē; i chiū chheng-khì.

²¹I nā sòng-hiong boē pī-pān kàu hiah-choē, chiū tióh chhú chít chiah iūⁿ-káng-á choē pò-kè-sit ê chè, thang iô i, ūi i siók-choē; iā tióh toà tiau-hô iū ê iū-mī-hún i-hoat cháp-hūn-chít, choē sò-chè, kap iū chít lô-kek. ²²Koh chiàu i ê khui-lát chhú nng chiah ka-chui, á-sī nng chiah chíⁿ-á-kiáⁿ, chít-chiah choē siók-choē-chè, chít-chiah choē sio-chè. ²³Kàu tē-poeh jlt ūi-tióh i tit-tióh chheng-khì, chiong chiah-ê toà kàu hoē-bō mng-kháu, Iā-hô-hoa ê bīn-chêng; kau-tài chè-si. ²⁴Chè-si tióh chhú pò-kè-sit ê iūⁿ-á, kap iū chít lô-kek; chè-si tióh iô i tī Iā-hô-hoa ê bīn-chêng choē iô-chè. ²⁵I tióh thāi pò-kè-sit-chè ê iūⁿ-á; chè-si chhú tām-pòh pò-kè-sit-chè ê huìh, boah tī hit-ê ài tit-tióh chheng-khì ê lāng chiàⁿ-pêng ê hī-á-sui, kap chiàⁿ-chhiú ê toā-pō-bú kap chiàⁿ-kha ê toā-pō-bú. ²⁶Chè-si tióh chiong tām-pòh iū tò tī ka-kī tò-chhiú ê chhiú-tiong-sim. ²⁷Chè-si ēng tò-chhiú--nih ê iū, tī Iā-hô-hoa ê bīn-chêng, ēng chiàⁿ-chhiú ê chít ki chúg-thâu-á hiú iū chhit-pái. ²⁸Chè-si koh ēng chhiú-tiong ê iū boah tām-pòh tī hit-ê ài tit-tióh chheng-khì ê lāng chiàⁿ-pêng ê hī-á-sui, kap chiàⁿ-chhiú ê toā-pō-bú, chiàⁿ-kha ê toā-pō-bú, chiū-sī boah tī pò-kè-sit-chè ê huìh ê goān-ūi. ²⁹Chè-si chhiú-tiong só chhun ê iū, tióh boah tī hit-ê ài tit-tióh chheng-khì ê lāng ê thau-khak, tī Iā-hô-hoa ê bīn-chêng ūi-tióh i siók-choē. ³⁰I tióh chiàu i ê khui-lát hiàn hiah ê ka-chui ê chít-chiah, á-sī chíⁿ-á-kiáⁿ ê chít-chiah, chiū-sī chiàu i só-oē-ê, ³¹chít-

chiah choē siók-choē-chè, chít-chiah choē sio-chè, kap sò-chè saⁿ-kap hiàn; chè-si tióh tī Iā-hô-hoa ê bīn-chêng, kā hit-ê ài tit-tióh chheng-khì ê lāng siók-choē. ³²Lāng hoan-tióh thái-ko ê cheng-thâu, iā bô lát thang pī-pān tit-tióh chheng-khì ê lé-mih, hit ê kui-lē sī án-ni.

³³Iā-hô-hoa hoan-hù Mô-se A-lun kóng, ³⁴Lín kàu Goá siúⁿ-sù lín choē-giáp ê Ka-lâm toē ê sí, Goá ēng thái-ko-cheng jiám-tióh chít keng chhù, tī lín só tit-tióh choē-giáp ê toē; ³⁵chhù-chú tióh khi thông-ti chè-si, kā i kóng, Chiàu goá khoàⁿ, chhù-lāi chhin-chhiūⁿ ū cheng-thâu; ³⁶chè-si iáu bē jlp-khì giām cheng-thâu ê tãi-seng, chè-si chiū tióh hoan-hù lāng, chiong chhù piàⁿ-khang, bián-tit chhù-lāi só ū-ê bak-tióh bô chheng-khì; āu-lāi chè-si tióh jlp-khì giām hit keng chhù. ³⁷I tióh giām hit ê cheng-thâu; khoàⁿ ah, cheng-thâu nā tī chhù ê piah ū hián-chhut chhiⁿ á-sī āng ê nah-hún, khoán-sit chhim-jlp chhiūⁿ-piah, ³⁸chè-si tióh chhut hit keng chhù, kàu chhù mng-kháu, hong hit keng chhù chhit-jlt. ³⁹Kàu tē-chhit jlt chè-si tióh koh khi giām; khoàⁿ ah, cheng-thâu nā thoàⁿ tī chhù ê chhiūⁿ-piah, ⁴⁰chè-si chiū tióh hoan-hù lāng chiong hiah ê jiám--tióh cheng-thâu ê chiòh iah--khí-lāi, hiat tī siāⁿ-goā bô chheng-khì ê só-chāi. ⁴¹Iā tióh kah lāng kau chhù-lāi ê sì-ūi; só kau--khí-lāi ê he-thô, tióh piàⁿ tī siāⁿ-goā bô chheng-khì ê só-chāi. ⁴²Koh tióh ēng pát tè chiòh, thoē hiah ê chiòh, koh ēng he-thô boah hit keng chhù.

⁴³I iah chiòh, kau-chhù, boah-he liáu-āu, cheng-thâu nā koh kàu, koh hoat-hiān tī hit keng chhù, ⁴⁴chè-si tióh koh jlp-khì giām; cheng-thâu nā thoàⁿ tī hit keng chhù, hit keng chhù sī jiám--tióh ok ê thái-ko; sī bô

cheng-khì. ⁴⁵I chiū tiòh thiah hit keng chhù, i ê chiòh, i ê chhâ, kap i it-chhè ê he-thô, lóng poaⁿ-chhut siâⁿ-goā, kàu bô chheng-khì ê só[·]-châi. ⁴⁶Hit keng chhù hong-bát ê sî-kan, lāng nā jíp-khì chiū bô chheng-khì, kàu ê-hng. ⁴⁷Khùn tī hit keng chhù ê, tiòh soé i ê i-hók; chiah tī hit keng chhù--ê iā tiòh soé i ê i-hók. ⁴⁸Hit keng chhù boah-he liáu-āu, chè-si jíp khì giām; khoàⁿ ah, nā cheng-thâu bô thoàⁿ tī chhù-lāi, chè-si chiū tiòh toàn hit keng chhù choè chheng-khì, in-ūi cheng-thâu í-keng siau-bô. ⁴⁹Ūi-tiòh chheng-khì hit keng chhù tiòh chhù nng chia chiah, kap pek-hiuⁿ-chhâ, chu-âng-sek liáu, kap giū-chhek-chháu. ⁵⁰Tiòh thài hit nng chia chiah ê chit-chiah, tī oah-chúi-téng, hui-khì ê lāi-bīn. ⁵¹I tiòh thèh hit ê pek-hiuⁿ-chhâ, giū-chhek-chháu, chu-âng-sek ê liáu, kap hit-chiah oah-chiah, lóng ùn tī hit-chiah siū-thai ê chiah ê huih, kap oah-chúi, lāi hiū hit keng chhù chhit-pái. ⁵²I tiòh ēng hit chia chiah ê huih, oah-chúi, oah-chiah, pek-hiuⁿ-chhâ, giū-chhek-chháu, kap chu-âng-sek liáu, chheng-khì hit keng chhù. ⁵³Chóng-sī tiòh ēng hit chia oah-chiah pàng tī siâⁿ-goā--ê soaⁿ--nih; án-ni ká hit keng chhù siók-choē, hit keng chhù chiū chheng-khì.

⁵⁴Che sī ūi-tiòh ták-iūⁿ thái-ko ê cheng-thâu, kap chng; ⁵⁵kap i-hók kap chhù ê thái-ko; ⁵⁶í-kíp chéng, sián, hé-pan só[·] líp ê kui-lē, ⁵⁷chí-bēng sím-mih sī sī bô chheng-khì, sím-mih sī sī chheng-khì; che sī thái-ko ê kui-lē.

15 Iā-hô-hoa hoan-hù Mô[·]-se A-lūn kóng, Lín tiòh hoan-hù Í-sek-liát lāng, ká in kóng, Lāng nā hoān-tiòh hā-siau ê cheng, i in-ūi chit ê hā-siau ê cheng chiū bô chheng-khì. ³I in-ūi hā-siau ê bô chheng-khì sī chit-khoán; bô-lūn sī tui-cheng, á-sī sèk-līm, lóng sī bô chheng-

khì. ⁴Kìⁿ-nā hoān-tiòh hā-siau ê, i só[·] tó ê chhng, lóng sī bô chheng-khì; i só[·] chē ê mih, iā-sī bô chheng-khì. ⁵Kìⁿ-nā bong--tiòh i ê chhng ê, tiòh soé i ê saⁿ, ka-kī soé tī chúi-nih, bô chheng-khì kàu ê-hng. ⁶Hit ê chē--tiòh hā-siau ê lāng só[·] bat chē ê mih ê, tiòh soé i ê saⁿ, ka-kī soé tī chúi-nih, bô chheng-khì kàu ê-hng. ⁷Hit ê bong--tiòh hā-siau ê lāng ê seng-khu ê, tiòh soé i ê saⁿ, ka-kī soé tī chúi-nih, bô chheng-khì kàu ê-hng. ⁸Nā hā-siau ê lāng phui-noā tī chheng-khì ê lāng ê seng-khu, hit-lāng tiòh soé i ê saⁿ, ka-kī soé tī chúi-nih, bô chheng-khì kàu ê-hng. ⁹Hā-siau ê lāng só[·] khiā ê bé-oaⁿ iā-sī bô chheng-khì. ¹⁰I sin-ē só[·] óa--tiòh ê mih, kìⁿ-nā bong--tiòh i tek-khak bô chheng-khì kàu ê-hng; thèh-tiòh hit ê mih ê tiòh soé i ê saⁿ, ka-kī soé tī chúi-nih, bô chheng-khì kàu ê-hng. ¹¹Hā-siau ê lāng iáu-bē ēng chúi soé-chhiū i só[·] bong--tiòh ê lāng tiòh soé i ê saⁿ, ka-kī soé tī chúi-nih, bô chheng-khì kàu ê-hng. ¹²Hā-siau ê lāng só[·] bong--tiòh hui ê khi-kū tiòh kòng-phoà; chhâ ê khi-kū tiòh ēng chúi soé.

¹³Hā-siau ê lāng i ê hā-siau í-keng hó, ūi-tiòh beh chheng-khì ka-kī, tiòh sng chhit-jit, iā tiòh soé i ê saⁿ, ēng oah-chúi soé seng-khu, chiū tit-tiòh chheng-khì. ¹⁴Kàu tē-poeh jít i tiòh ūi-tiòh ka-kī chhú nng chia ka-chui, á-sī nng-chiah chíⁿ-á-kiáⁿ, kàu hoē-bō[·] mng-kháu Iā-hô-hoa ê bīn-chēng, kau-tài chè-si; ¹⁵chè-si tiòh hiàn i, chit-chiah choè siók-choē-chè, chit-chiah choè sio-chè; chè-si tiòh in-ūi i ê hā-siau ê cheng tī Iā-hô-hoa ê bīn-chēng ká i siók-choē.

¹⁶Lāng nā bōng-ūi, tiòh ēng chúi soé seng-khu, tek-khak bô chheng-khì kàu ê-hng.

¹⁷Bô-lūn saⁿ-á-khò[·], á-sī phê bak--tiòh cheng tiòh ēng chúi soé, tek-khak bô chheng-khì kàu

ê-hng. ¹⁸Nā lâm-lú kau-háp, nng lāng tiòh ēng chúí soé, tek-khak bô chheng-khì kàu ê-hng.

¹⁹Hū-jîn-lāng kiāⁿ-keng lâu-huih, tek-khak ù-oè kàu chhit-jít kú; kìⁿ-nā bong--tiòh i ê, tek-khak bô chheng-khì kàu ê-hng. ²⁰Tī i ù-oè ê sī-kan, kìⁿ-nā i só· tó ê mih lóng sī bô chheng-khì; kìⁿ-nā i só· chē ê mih, iā sī bô chheng-khì. ²¹Kìⁿ-nā bong--tiòh i ê bîn-chhng ê, tiòh soé i ê saⁿ, ka-kī soé tī chúí--nih, bô chheng-khì kàu ê-hng. ²²Kìⁿ-nā bong--tiòh i só· chē ê mih ê, tiòh soé i ê saⁿ, ka-kī soé tī chúí--nih, bô chheng-khì kàu ê-hng. ²³Hit ê mih nā sī tī chhng--nih á-sī tī hū-jîn-lāng só· chē ê mih, bong--tiòh i ê, tek-khak bô chheng-khì kàu ê-hng. ²⁴Ta-po·-lāng nā kap hit ê hū-jîn-lāng tâng-pāng, hō· i ê lâ-sâm bak--tiòh, tiòh chhit-jít kú bô chheng-khì, kìⁿ-nā i só· tó ê chhng iā bô chheng-khì.

²⁵Hū-jîn-lāng nā tī keng-kī í-goā hoān-tiòh choē-choē jlt ê hiat-lāu, á-sī keng-kī í-āu ū hiat-lāu; i chiū in-ūi chit ê hiat-lāu bô chheng-khì ê jlt kap i keng-kī ê jlt chit-iūⁿ; i sī bô chheng-khì. ²⁶Tī i hiat-lāu it-chhē ê jlt, kìⁿ-nā i só· tó ê chhng i tiòh khoàⁿ chhin-chhiūⁿ keng-kī ê chhng chit-iūⁿ; iā kìⁿ-nā i só· chē ê mih tek-khak bô chheng-khì, kap i keng-kī ê sī bô chheng-khì chit-iūⁿ. ²⁷Kìⁿ-nā bong--tiòh hiah ê mih-ê chiū bô chheng-khì; tiòh soé i ê saⁿ, ka-kī soé tī chúí--nih, bô chheng-khì kàu ê-hng. ²⁸Hū-jîn-lāng hiat-lāu nā í-keng hó, tiòh ūi ka-kī sng chhit-jlt, jiân-āu chiah chheng-khì. ²⁹Kàu tē-poeh jlt, i tiòh ūi ka-kī chhú nng chiah ka-chui á-sī nng chiah chíⁿ-á-kiáⁿ, toà tàu hoē-bō· mng-kháu, kau-tài chē-si. ³⁰Chē-si tiòh hiàn chit-chiah choē siók-choē-chē, chit-chiah choē sio-chē; chē-si in-ūi hit-lāng hiat-lāu bô chheng-khì tiòh tī

Iâ-hô-hoa ê bîn-cheng ūi-tiòh i siók-choē.

³¹Lín tiòh án-ni hō· Í-sek-liát lāng kap in ê bô chheng-khì keh-tng; bián-tit in phah lâ-sâm tī in tiong-kan Goá ê hoē-bō·, tì-kàu sí tī in ê bô chheng-khì.

³²Che sī hoān-tiòh hā-siau-cheng kap bōng-ūi ít-kàu i bô chheng-khì ê; kap hit-ê ū keng-kī ê pīⁿ ê hū-jîn-lāng, kap hoān-tiòh hā-siau-ê, bô-lūn lâm-lú, í-kíp lāng kap bô chheng-khì ê hū-jîn-lāng tâng-pāng-ê ê kui-lē.

16 A-lūn nng ê kiáⁿ kūn-oá Iâ-hô-hoa ê bîn-cheng lâi sí; in sí-liáu Iâ-hô-hoa hoan-hù Mô·-se, tui Mô·-se kóng, ²Tiòh ká lí ê hiaⁿ A-lūn kóng, m̄-thang sūi-piān-sī jlp sèng-só· ê tiūⁿ-lî-lāi, kàu iok-kūi-téng si-un-só· ê bîn-cheng, bián-tit sí; in-ūi Goá beh tī hūn-tiong hián-hiān tī si-un-só· ê téng-bîn. ³A-lūn beh jlp sèng-só· tiòh án-ni; tiòh toà chit-chiah gū-káng-á-kiáⁿ choē siók-choē-chē, chit-chiah mī-iūⁿ-káng choē sio-chē. ⁴I tiòh chhng iū-toē-pò· sèng ê lai-saⁿ, iā tiòh chhng iū-toē-pò· ê khò· tī seng-khu--nih, io hā iū-toē-pò· ê toà, thau tī iū-toē-pò· ê bō; che lóng sī sèng ê i-hók; i tiòh ēng chúí soé seng-khu, jiân-āu chhng i. ⁵I tiòh tui Í-sek-liát lāng ê hoē-tiong chhú nng chiah soaⁿ-iūⁿ-káng, choē siók-choē-chē, chit-chiah mī-iūⁿ-káng choē sio-chē.

⁶A-lūn tiòh hiàn ūi pún-sin choē siók-choē-chē ê gū-káng, ūi-tiòh pún-sin kap i ê ke siók-choē. ⁷Iā tiòh ēng hit nng chiah soaⁿ-iūⁿ-káng an-tì tī hoē-bō· mng-kháu, Iâ-hô-hoa ê bîn-cheng. ⁸A-lūn tiòh ūi-tiòh hit nng chiah soaⁿ-iūⁿ liam-khau, liam chit-chiah kui Iâ-hô-hoa, liam chit-chiah kui A-sat-sià-lèk. ⁹A-lūn tiòh ēng hit-chiah liam-khau kui Iâ-hô-hoa ê soaⁿ-iūⁿ, hiàn choē siók-choē-chē. ¹⁰Nā-sī hit-chiah liam-khau kui A-sat-sià-lèk ê soaⁿ-iūⁿ, tiòh oáh-oáh an-tì tī Iâ-hô-hoa ê bîn-cheng,

thoè i siók-choē, pàng i khi không-ia, kui tī A-sat-sià-lèk.

¹¹A-lùn tiòh khan ūi ka-kī choē siók-choē-chè ê gū-káng-á, ūi-tiòh ka-kī kap i ê ke siók-choē, iā tiòh thāi ūi ka-kī choē siók-choē-chè ê gū-káng-á; ¹²iā tiòh thèh huiⁿ-lô, tui Iâ-hô-hoa ê bīn-chêng toāⁿ-téng toé tóh ê hé-thoàⁿ moá-moá, iā tiòh ēng phang ê huiⁿ-boah chit-phóng toà-jíp tiuⁿ-lī-lāi; ¹³iā tī Iâ-hô-hoa ê bīn-chêng chiong huiⁿ hē tī hé--nih, hō· huiⁿ-ian jia-iám iok-kūi-téng ê si-un-só, bián-tit i sí. ¹⁴Iā tiòh thèh tām-póh gū-káng-á ê huìh, ēng chúg-thâu-á hiù tī si-un-só· ê tang--sì; koh ēng chúg-thâu-á tī si-un-só· ê bīn-chêng hiù-huìh chhit-pái.

¹⁵Koh tiòh thāi hit-chiah ūi-tiòh peh-siⁿ choē siók-choē-chè ê soaⁿ-iūⁿ-káng, toà i ê huìh jíp tiuⁿ-lī-lāi, ēng i ê huìh hiù tī si-un-só· kap si-un-só· ê bīn-chêng, chhin-chhiūⁿ hiù gū-káng-á ê huìh chit-iūⁿ. ¹⁶Koh tiòh in-ūi Í-sek-liát lāng ê ù-oè, kè-sit, kap in it-chhè ê choē-ok thoè sèng-só· siók-choē; iā tiòh ūi-tiòh tī in ù-oè ê tiong-kan saⁿ-kap toà ê toē-bō· chiàu án-ni kiāⁿ. ¹⁷A-lùn jíp sèng-só· siók-choē ê sī, hoē-bō·-lāi m̄-thang ū lāng tī-teh, thèng-hāu i ūi-tiòh pún-sin kap i ê ke kap Í-sek-liát ê hoē-chiong í-keng siók-choē chhut-lāi. ¹⁸I tiòh chhut-lāi kàu Iâ-hô-hoa bīn-chêng ê toāⁿ hia, thoè i siók-choē; iā tiòh thèh tām-póh gū-káng-á ê huìh kap soaⁿ-iūⁿ-káng ê huìh, boah tī toāⁿ-téng hiah ê kak ê si-ūi. ¹⁹Iā tiòh ēng i ê chúg-thâu-á hiù-huìh tī toāⁿ--nih chhit-pái, hō· i chheng-khì, lī-khui Í-sek-liát lāng ê bō chheng-khì, hun-piat i choē-sèng.

²⁰I ūi-tiòh sèng-só·, hoē-bō·, chè-toāⁿ siók-choē bēng-pék, tiòh khan hit-chiah oáh ê soaⁿ-iūⁿ-káng lāi; ²¹A-lùn tiòh ēng n̄ng-chhiú hoāⁿ tī oáh ê soaⁿ-iūⁿ ê thâu-khak, tī i ê téng-

bīn jīn Í-sek-liát lāng it-chhè ê pháiⁿ, in it-chhè ê kè-sit, kap in it-chhè ê choē-koà; lóng kui tī soaⁿ-iūⁿ ê thâu-khak, kau-tài só· phài ê lāng sàng-khì không-ia; ²²hit chiaⁿ soaⁿ-iūⁿ beh tam-tng in it-chhè ê pháiⁿ kàu bō lāng toà ê só·-chāi; i chiū pàng soaⁿ-iūⁿ tī không-ia.

²³A-lùn tiòh jíp hoē-bō·, thèng i jíp sèng-só· ê sī só· chhēng iù-toē ê i-hók, lâu tī-hia; ²⁴koh tiòh tī sèng ê só·-chāi ēng chúi soé seng-khu, chhēng i ê saⁿ chhut-lāi, hiàn i ê sio-chè kap peh-siⁿ ê sio-chè, ūi-tiòh pún-sin kap peh-siⁿ siók-choē. ²⁵Siók-choē-chè ê iū tiòh sio i tī toāⁿ-téng. ²⁶Hit ê pàng soaⁿ-iūⁿ kui tī A-sat-sià-lèk ê lāng, tiòh soé i ê saⁿ, ēng chúi soé seng-khu, jiān-āu thang jíp iāⁿ-lāi. ²⁷Choē siók-choē-chè ê gū-káng, kap siók-choē-chè ê soaⁿ-iūⁿ, in ê huìh í-keng toà-jíp sèng-só· siók-choē, in ê sin-thé tiòh toà-chhut iāⁿ-goā, ēng hé sio in ê phē, in ê bah, in ê pùn. ²⁸Sio in ê lāng tiòh soé i ê saⁿ, ēng chúi soé seng-khu, jiān-āu thang jíp iāⁿ-lāi.

²⁹Ták-pái tú-tiòh chhit-géh chhoe-cháp jít, lín tiòh kek-khó· lín ê sim, bō-lūn sī pún-toē lāng, á-sī kià-kha tī lín tiong-kan ê goā-lāng, lóng m̄-thang choē sīm-mih kang; che beh choē lín éng-oán ê lē. ³⁰In-ūi tī chit-jít beh ká lín siók-choē, hō· lín chheng-khì, lín beh tī Iâ-hô-hoa ê bīn-chêng tit-tiòh chheng-khì, thoat-lī it-chhè ê choē-koà. ³¹Chit-jít lín tiòh siú choē toā ê an-hiòh-jít; lín tiòh kek-khó· lín ê sim; che sī choē éng-oán ê lē. ³²Hit ê siū boah-iū lāi siat-líp i tng sèng-chit ê chè-si, chiū-sī sēng-chiap i ê lâu-pē choē chè-si ê, tiòh kiāⁿ siók-choē ê lé, tiòh chhēng iù-toē-pò· ê saⁿ, chiū-sī sēng-saⁿ. ³³I tiòh ūi-tiòh sèng ê sèng-só· siók-choē, iā ūi-tiòh hoē-bō· kap chè-toāⁿ siók-choē; koh ūi-tiòh chēng chè-

si kap choân-hoē ê peh-siⁿ siók-choē. ³⁴Che tiòh choē lín éng-oán ê lē, chiū-sī in-ūi Í-sek-liát lāng it-chhè ê choē, tiòh chit-nī chit-pái ūi-tiòh in siók-choē. A-lūn chiū chiàu Iā-hō-hoa só· bēng-lēng Mô·se ê lāi kiāⁿ.

17 Iā-hō-hoa hoan-hù Mô·se kóng, Lí tiòh hoan-hù A-lūn kap i hiah ê kiáⁿ kap Í-sek-liát ê chēng-lāng kóng, Iā-hō-hoa só· bēng-lēng--ê chiū-sī án-ni kóng. ³Kiⁿ-nā siók Í-sek-liát-ke ê lāng, thāi gū-kang, á-sī mī-iūⁿ-á, á-sī soaⁿ-iūⁿ, bô-lūn thāi tī iāⁿ-lāi á-sī thāi tī iāⁿ-goā, ⁴nā bô tāi-seng khan kàu hoē-bō· mng-kháu, lāi Iā-hō-hoa ê hoē-bō· chēng, hiàn hō· Iā-hō-hoa choē lé-mih, chhiah-huih ê choē beh kui tī hit-lāng, i ū chhiah-huih; hit-lāng beh tui i ê peh-siⁿ-tiòng chián-tū; ⁵che sī ūi-tiòh Í-sek-liát lāng chiong in tī chhān-ia só· hiàn ê chè, toà kàu hoē-bō· mng-kháu, Iā-hō-hoa ê bīn-chēng, kau hō· chè-si, hiàn hō· Iā-hō-hoa choē siā-un ê chè. ⁶Chè-si tiòh chiong huih hiū tī hoē-bō· mng-kháu Iā-hō-hoa ê toāⁿ-téng, chiong iū sio choē phang-phang ê bī, hiàn hō· Iā-hō-hoa. ⁷In m̄-thang koh hiàn-chè tī in kiāⁿ siā-īm só· thàn ê kúi-koài; che beh choē in ták sè-tāi éng-oán ê lē.

⁸Lí tiòh tui in kóng, Kiⁿ-nā siók Í-sek-liát-ke ê lāng, á-sī kià-kha tī in tiòng-kan ê goā-lāng, hiàn sio-chè á-sī chè-mih; ⁹nā bô toà kàu hoē-bō· mng-kháu, hiàn-hō· Iā-hō-hoa, hit-lāng tiòh tui i ê peh-siⁿ-tiòng siū chián-tū.

¹⁰Kiⁿ-nā siók Í-sek-liát-ke ê lāng, á-sī kià-kha tī in tiòng-kan ê goā-lāng, nā chiah sīm-mih huih, Goá beh tui hit ê chiah-huih ê lāng pìⁿ-bīn, tui i ê peh-siⁿ-tiòng chián-tū i. ¹¹In-ūi bah ê oáh-miā chāi tī huih, Goá ēng i siúⁿ-sù lín, thang tī toāⁿ-téng ūi lín ê oáh-miā siók-choē; in-ūi huih-lāi ū oáh-miā, só·í oē siók-

choē. ¹²Só·í Goá tui Í-sek-liát lāng kóng, Lín lóng m̄-thang chiah huih; kià-kha tī lín tiòng-kan ê goā-lāng iā m̄-thang chiah huih. ¹³Kiⁿ-nā Í-sek-liát lāng, á-sī kià-kha tī in tiòng-kan ê goā-lāng, nā phah-láh tit-tiòh oē-chiah-tit ê khim-siū, tiòh chhiah i ê huih chhut-lāi, ēng thô· khām i.

¹⁴Lūn-kàu it-chhè ū jiók-sin ê oáh-miā, i ê huih chiū-sī i ê oáh-miā; só·í Goá tui Í-sek-liát lāng kóng, Bô-lūn sīm-mih jiók-sin ê huih lín lóng m̄-thang chiah; in-ūi it-chhè jiók-sin ê oáh-miā chiū-sī i ê huih; kiⁿ-nā chiah i ê lāng tek-khak siū chián-tū. ¹⁵Kiⁿ-nā chiah ka-kī sí ê mih, á-sī hō· iá-siū thiah-lih ê, bô-lūn sī pún-toē lāng, á-sī goā-lāng, tek-khak bô chheng-khì kàu ê-hng, lóng tiòh soé i ê saⁿ, ēng chúi soé seng-khu, kàu ê-hng chiah chheng-khì. ¹⁶Chóng-sī i nā bô soé-saⁿ, soé seng-khu, chiū tiòh tam-tng i ê choē-koà.

18 Iā-hō-hoa hoan-hù Mô·se kóng, Lí tiòh hoan-hù Í-sek-liát lāng, kā in kóng, Goá sī Iā-hō-hoa, lín ê Siōng-tè. ³Lín chēng só· tiàm ê Ai-kíp toē, hit-ūi ê lāng só·kiāⁿ-ê lín m̄-thang thàn in lāi kiāⁿ; Goá beh chhoā lín kàu Ka-lām toē, hit-ūi ê lāng só·kiāⁿ-ê, lín iā m̄-thang thàn in lāi kiāⁿ, iā m̄-thang chiàu in ê kui-lē lāi kiāⁿ. ⁴Lín tiòh thàn Goá ê hoat-tō·, siú Goá ê lút-lē, chiàu chit-ê lāi kiāⁿ; Goá sī Iā-hō-hoa lín ê Siōng-tè. ⁵Só·í lín tiòh siú Goá ê lút-lē hoat-tō·; lāng nā kiāⁿ chiah-ê chiū beh tui chiah-ê lāi oáh; Goá sī Iā-hō-hoa.

⁶Lín lóng m̄-thang chhin-kūn kut-jiók ê chhin, lāi lō·hiān i ê ē-thé; ⁷Goá sī Iā-hō-hoa. M̄-thang lō·hiān lí ê lāu-bú ê ē-thé, lāi lēng-jiók lí ê lāu-pē; i sī lí ê lāu-bú, m̄-thang lō·hiān i ê ē-thé. ⁸Lí lāu-pē ê āu-bó· ê ē-thé lí m̄-thang lō·hiān; i sī lí ê lāu-pē ê ē-thé. ⁹Lí ê chí-bē, bô-lūn sī tâng-pē--ê á-sī

tâng-bú--ê, chhut-sì tī ke-lāi, á-sī chhut-sì tī ke-goā, lóng m̄-thang lō·hiān in ê ē-thé. ¹⁰Lí ê hāu-siⁿ ê cha-bó·kiáⁿ, á-sī lí ê cha-bó·kiáⁿ ê cha-bó·kiáⁿ, m̄-thang lō·hiān in ê ē-thé; in-ūi sī lí pún-sin ê ē-thé. ¹¹Lí lâu-pē ê āu-bó· ê cha-bó·kiáⁿ, tui lí ê lâu-pē siⁿ--ê, sī lí ê sió-bē, m̄-thang lō·hiān i ê ē-thé. ¹²M̄-thang lō·hiān lí ê ko· ê ē-thé; i sī lí ê lâu-pē kut-jiók ê chhin. ¹³M̄-thang lō·hiān lí ê i-bú ê ē-thé; i sī lí ê lâu-bú kut-jiók ê chhin. ¹⁴Lí m̄-thang lēng-jiók lí ê chek-peh, lō·hiān i ê bó· ê ē-thé; i sī lí ê m̄, lí ê chím. ¹⁵Lí m̄-thang lō·hiān lí ê sim-pū ê ē-thé; i sī lí ê kiáⁿ ê bó·; m̄-thang lō·hiān i ê ē-thé. ¹⁶M̄-thang lō·hiān lí ê hiaⁿ-tī ê bó· ê ē-thé; i sī lí ê hiaⁿ-tī ê ē-thé. ¹⁷Hū-jîn-lâng kap i ê cha-bó·kiáⁿ ê ē-thé m̄-thang lóng lō·hiān; m̄-thang chiong i ê kiáⁿ ê cha-bó·kiáⁿ á-sī i ê cha-bó·kiáⁿ ê cha-bó·kiáⁿ ê ē-thé lâi lō·hiān i; in sī kut-jiók ê chhin, che sī chin pháiⁿ. ¹⁸Bó· iáu tī-teh, lí m̄-thang lēng-goā koh chhoā i ê chí-bē, lō·hiān i ê ē-thé, lâi choē i ê tui-thâu. ¹⁹Hū-jîn-lâng keng-kī kàu, bô chheng-khì ê sī, lí m̄-thang kūn-oá i lâi lō·hiān i ê ē-thé. ²⁰Lí m̄-thang kap chhū-piⁿ ê bó· kiáⁿ-im lâi phah lâ-sâm ka-kī. ²¹M̄-thang hō· lí ê kiáⁿ-jī tui hé-tiong kè--khì, kui hō· Mô·lók; iā m̄-thang siat-tók lí ê Siōng-tè ê miā; Goá chiū-sī Iâ-hô-hoa. ²²M̄-thang kap ta-po·lâng kau-háp, chhin-chhiūⁿ kap hū-jîn-lâng chit-iūⁿ; che sī chin khó-òⁿ ê tãi. ²³Put-lūn sím-mih siū, m̄-thang kap i kau-háp, lâi phah lâ-sâm ka-kī; hū-jîn-lâng iā m̄-thang khiā tī siū ê thâu-chêng kap i kau-háp; che sī gèk-sèng ê tãi.

²⁴Tī chiaⁿ ê it-chhè ê sū lín lóng m̄-thang phah lâ-sâm ka-kī; in-ūi Goá tī lín ê bīn-chêng só· koáⁿ-chhut ê liát-pang tī chiaⁿ-ê it-chhè ū phah lâ-sâm ka-kī; ²⁵toē iā phah lâ-sâm, só·

í Goá pān i ê choē; hit ê toē iā thò·chhut i khiā-khí ê peh-siⁿ. ²⁶Só·-í lín tiòh siú Goá ê lút-lē, Goá ê hoat-tō·; chiaⁿ-ê it-chhè khó-òⁿ ê sū, bô-lūn sī pún-toē lāng á-sī kià-kha tī lín tiong-kan ê goā-lāng lóng m̄-thang kiāⁿ i; ²⁷in-ūi tī lín í-chêng khiā-khí hit ê toē ê lāng kiāⁿ chiaⁿ-ê it-chhè khó-òⁿ ê sū, toē chiū phah lâ-sâm); ²⁸bián-tit lín phah lâ-sâm hit ê toē ê sí, toē chiū chiong lín thò·chhut, chhin-chhiūⁿ thò·chhut tī lín í-chêng ê peh-siⁿ chit-poaⁿ-iūⁿ. ²⁹In-ūi kīⁿ-nā kiāⁿ chiaⁿ-ê it-chhè khó-òⁿ ê sū ê chit-hāng, kiāⁿ i ê lāng beh tui i ê peh-siⁿ-tiong chián-tū i. ³⁰Só·-í lín tiòh siú Goá só· kau-tài--ê, bián-tit lín thàn hiah ê khó-òⁿ ê hong-siók, chiū-sī tī lín í-chêng ê lāng só· siōng-siōng kiāⁿ-ê, tì-kàu lín tui hiah ê phah lâ-sâm ka-kī; Goá chiū-sī Iâ-hô-hoa lín ê Siōng-tè.

19 Iâ-hô-hoa hoan-hù Mô·se kóng, Lí tiòh hoan-hù Í-sek-liát choân-hoē tui in kóng, Lín tiòh choē-sèng, in-ūi Goá Iâ-hô-hoa lín ê Siōng-tè sī sèng. ³Lín ták-lāng lóng tiòh hau-keng i ê lâu-bú, i ê lâu-pē; iā tiòh siú Goá hiah ê an-hioh; Goá sī Iâ-hô-hoa lín ê Siōng-tè. ⁴Lín m̄-thang phian-ng ngó·siōng, iā m̄-thang ūi ka-kī chū-chō siōng-tè; Goá sī Iâ-hô-hoa lín ê Siōng-tè. ⁵Lín hián siā-un-chè hō· Iâ-hô-hoa ê sī tiòh hián thang tit-tiòh chiap-láp ê. ⁶Tī hián ê jīt á-sī kè-jīt chiaⁿ i; nā ū chhun kàu tē-saⁿ jīt-ê tiòh ēng hé sio i. ⁷Tē-saⁿ jīt nā koh chiaⁿ-tiòh, che sī thang iām-òⁿ-ê; boē tit-tiòh chiap-láp. ⁸Hoān-nā chiaⁿ i ê lāng, tek-khak tiòh tam-tng i ê choē-koà; in-ūi i siat-tók Iâ-hô-hoa ê sèng-mih; hit-lāng tek-khak tui i ê peh-siⁿ-tiong siū chián-tū.

⁹Lín siu-koah chhân ê ngó·kok, chhân ê kak-thâu m̄-thang koah kàu chin, ka-lauh-ê iā m̄-thang khioh. ¹⁰Phû-tô-hûng ké-chí m̄-

thang bán liáu-liáu, iā m̄-thang khioh phû-tô số lak ê ké-chí; tiòh lâu hō· sòng-hiong lāng kap chhut-goā ê; Goá sī Iâ-hô-hoa lín ê Siōng-tè.

¹¹Lín m̄-thang thau-thêh; m̄-thang khi-phian; tãi-ke m̄-thang kóng pèh-chhát. ¹²Lín m̄-thang kí Goá ê miâ lâm-sám chiù-choā, lâi siat-tók lí ê Siōng-tè ê miâ; Goá chiū-sī Iâ-hô-hoa. ¹³M̄-thang khi-hū lí ê chhù-piⁿ, iā m̄-thang chhiūⁿ-thêh i ê mih; choè-kang lāng ê kang-chiⁿ m̄-thang lâu tī lí hia kui-mi kàu thiⁿ-kng. ¹⁴M̄-thang mē chhàu-hī-lāng-ê, iā m̄-thang hē that-gāi ê mih tī chhiⁿ-mi lāng ê bīn-chêng; tiòh keng-ùi lí ê Siōng-tè; Goá chiū-sī Iâ-hô-hoa. ¹⁵Lín sīm-phoàⁿ m̄-thang bô kong-tō; m̄-thang phian-thán sòng-hiong lāng, iā m̄-thang khoàⁿ-tāng ū sè-lék ê lāng; tiòh chiàu kong-tō sīm-phoàⁿ lí ê chhù-piⁿ. ¹⁶M̄-thang tī lí ê peh-siⁿ ê tiong-kan sī-koè kiāⁿ húi-pòng lāng; iā m̄-thang choè kan-chêng ài hāi-sí lí ê chhù-piⁿ; Goá chiū-sī Iâ-hô-hoa. ¹⁷Lí m̄-thang sim-lāi oàn-hūn lí ê hiaⁿ-tī; tek-khak tiòh chek-pī lí ê chhù-piⁿ, bián-tit ūi-tiòh i tam-tng choē. ¹⁸M̄-thang pò-siū, iā m̄-thang bāi-oàn lí pún-kok ê peh-siⁿ; tiòh thiàⁿ chhù-piⁿ chhin-chhiūⁿ ka-kī; Goá chiū-sī Iâ-hô-hoa.

¹⁹Lín tiòh siú Goá ê lút-lē. M̄-thang hō· lín ê cheng-siⁿ kap bô tâng-lūi-ê kau-háp; m̄-thang ēng nng-iūⁿ ê chéng-chí chham-chhap iā tī lí ê hng-toē; m̄-thang ēng nng-iūⁿ ê liāu chham-chhap choē-saⁿ, chhēng tī lí ê seng-khu. ²⁰Lú-pī choē-lāng tiāⁿ-tiòh, iáu-bē siū-siòk, bē tit-tiòh tháu-pàng, lāng nā kap i kiāⁿ-îm, nng-lāng tiòh siū hēng-hoát; chóng-sī m̄-thang hō· i sí, in-ùi lú-pī iáu-bē tit-tiòh chū-iū. ²¹Hit ê ta-po·lāng tiòh ēng pó·kè-sit ê chè, chiū-sī chit chiaⁿ mī-iūⁿ-káng,

khan kàu hoē-bō· mng-kháu, Iâ-hô-hoa ê bīn-chêng, choē pó·kè-sit-chè ê chè. ²²Chè-si tiòh ēng pó·kè-sit-chè ê iūⁿ-káng, tī Iâ-hô-hoa ê bīn-chêng siòk i số hoān ê choē; i số hoān ê choē chiū tit-tiòh sià-bián.

²³Lín kàu Ka-lâm toē ê sī, chai-chêng tak-iūⁿ oē-chiāh--tit ê ké-chí-chhiū, lín tiòh khoàⁿ hit ê ké-chí choē chhin-chhiūⁿ bē siū kat-lé-ê chit-iūⁿ; saⁿ-nī ê kú, lín tiòh khoàⁿ hiah-ê chhin-chhiūⁿ bē siū kat-lé-ê, m̄-thang chiāh in. ²⁴Kàu tē-si nī số kiát ê ké-chí lóng tiòh choē sèng, ēng i lâi o-ló Iâ-hô-hoa. ²⁵Kàu tē-gō· nī lín tiòh chiāh i ê ké-chí, thang hō· i ká lín kiát khah choē ké-chí; Goá sī Iâ-hô-hoa lín ê Siōng-tè.

²⁶Lín m̄-thang chiāh kâⁿ huìh ê mih; m̄-thang ēng hoat-sút, iā m̄-thang chiam-pok. ²⁷Thâu-khak ê chiu-ùi m̄-thang thì, chhiū-chhiu ê chiu-ùi iā m̄-thang khun. ²⁸Lín m̄-thang ūi sí-lāng koah ka-kī ê bah, iā m̄-thang chhiah kì-hō tī seng-khu; Goá sī Iâ-hô-hoa. ²⁹M̄-thang lêng-jiók lí ê cha-bó·kiáⁿ, hō· i choē chhiong-ki, kiaⁿ-liáu toē-chiūⁿ choan-choan nng ìm-loān, toē-chiūⁿ moá-moá toā-pháiⁿ. ³⁰Lín tiòh siú Goá hiah ê an-hioh, keng Goá ê sèng-só; Goá sī Iâ-hô-hoa. ³¹M̄-thang phian-nng hiah ê kúi chiūⁿ-sin ê, kap kiāⁿ siā-sút-ê, iā m̄-thang khi mng in, tì-kàu hō· in phah lâ-sâm; Goá sī Iâ-hô-hoa lín ê Siōng-tè.

³²Tī pèh-thâu-mng ê lāng ê bīn-chêng, lí tiòh khí-lâi khiā; iā tiòh chun-keng lâu-lāng ê bīn; koh tiòh keng-ùi lí ê Siōng-tè; Goá sī Iâ-hô-hoa.

³³Nā ū chhut-goā lāng kià-kha tī lín ê toē-hng, kap lín khiā-khí, chiū m̄-thang khi-hū in.

³⁴Kap lín khiā-khí ê chhut-goā lāng, lín tiòh khoàⁿ in chhin-chhiūⁿ pún-toē lāng chit-iūⁿ; iā tiòh thiàⁿ in chhin-chhiūⁿ pún-sin; in-ùi lín

iā bat tī Ai-kip toē choē chhut-goā lāng; Goá sī Iā-hô-hoa lín ê Siōng-tè. ³⁵Lín sím-phoàn m̄-thang bô kong-tō; tī chhih, tī chhin, tī táu, lóng tiōh kong-tō. ³⁶Tiōh ēng kong-tō ê phêng, kong-tō ê tô-chí, kong-tō ê i-hoat, kong-tō ê him; Goá sī Iā-hô-hoa lín ê Siōng-tè, bat chhoā lín chhut Ai-kip toē ê. ³⁷Lín tiōh siú Goá it-chhè ê lút-lē, kap Goá it-chhè ê hoat-tō, lāi kiāⁿ i; Goá sī Iā-hô-hoa.

20 Iā-hô-hoa hoan-hù Mô-se kóng, Lí tiōh koh tui Í-sek-liát lāng kóng, Kìⁿ-nā Í-sek-liát lāng, á-sī tī Í-sek-liát tiong kià-kha ê goā-lāng, ēng ka-kī ê kiāⁿ-jī hiàn-hō. Mô-lók ê, tek-khak tiōh hō i sí; hit toē-hng ê lāng tiōh ēng chiōh-thâu tìm-sí i. ³Goá iā beh tui hit-lāng pìⁿ-bīn, tui i ê peh-siⁿ-tiong chián-tū i; in-ūi i ēng kiāⁿ-jī hiàn-hō. Mô-lók, bak lâ-sâm Goá ê sèng-só, siat-tók Goá ê sèng-miā. ⁴Hit-lāng ēng kiāⁿ-jī hiàn-hō. Mô-lók, hit só-chāi ê lāng nā tìn-choē bô khoàⁿ-kìⁿ, iā bô hō i sí, ⁵Goá beh tui hit-lāng kap i ê ke pìⁿ-bīn, chiong i kap it-chhè tē i kiāⁿ siā-îm ê, chiū-sī kap Mô-lók kiāⁿ siā-îm ê, lóng tui i ê peh-siⁿ-tiong chián-tū i.

⁶Lāng phian-ng̤ hō kúi chiūⁿ-sin-ê, kap kiāⁿ siā-sút ê, tē in kiāⁿ siā-îm, Goá beh tui hit-lāng pìⁿ-bīn, tui i ê peh-siⁿ-tiong chián-tū i. ⁷Só-í lín tiōh ka-kī sèng, lāi chiāⁿ-sèng; in-ūi Goá sī Iā-hô-hoa, lín ê Siōng-tè. ⁸Lín tiōh siú Goá ê lút-lē, lāi kiāⁿ i; Goá sī hō lín chiāⁿ-sèng ê Iā-hô-hoa. ⁹Kìⁿ-nā chiū-chó^h lāu-pē á-sī lāu-bú-ê tek-khak tiōh hō i sí; i chiū-chó^h lāu-pē á-sī lāu-bú; i ê choē tiōh kui tī i ê sin-chiūⁿ.

¹⁰Kap pát-lāng ê bó kiāⁿ-îm, chiū-sī kap i chhù-piⁿ ê bó kiāⁿ-îm-ê, kan-hu îm-hū tek-khak tiōh hō in sí. ¹¹Lāng kap āu-bú su-thong-ê chiū-sī lêng-jiók i ê lāu-pē; in n̄ng-

lāng tek-khak tiōh hō in sí; in ê choē kui tī in.

¹²Lāng kap sim-pū su-thong-ê, tek-khak tiōh hō in n̄ng-lāng lóng sí; in kiāⁿ gèk-lūn ê sū; in ê choē kui tī in. ¹³Lāng nā kap ta-po-lāng kau-háp, chhin-chhiūⁿ kap hū-jîn-lāng chit-iūⁿ, in n̄ng-lāng kiāⁿ khó-òⁿ ê sū, tek-khak tiōh hō in sí; in ê choē kui tī in. ¹⁴Lāng nā chhoā-bó soà chhoā bó ê lāu-bú, chiū-sī kék-pháiⁿ; chí saⁿ-lāng tiōh ēng hé sio in, bián-tit lín tiong-kan ū chit-hō pháiⁿ. ¹⁵Lāng kap siū kau-háp, i tek-khak tiōh sí; hit chiaⁿ siū iā tiōh thāi-sí. ¹⁶Hū-jîn-lāng chhin-kūn siū kap i kau-háp, lí tiōh thāi-sí hit ê hū-jîn-lāng kap siū, tek-khak tiōh hō in sí; in ê choē kui tī in. ¹⁷Lāng nā khan i ê chí-bē, bô-lūn tâng-pē á-sī tâng-bú ê, i khoàⁿ i ê ē-thé, i khoàⁿ i ê ē-thé, che sī kiàn-siāu ê sū; in tiōh tī i ê peh-siⁿ ê bák-chiu-chêng siū chián-tū; i ū lō-hiān i ê chí-bē ê ē-thé; tiōh tam-tng i ê choē. ¹⁸Hū-jîn-lāng keng-kí kàu, lāng kap i tâng-pāng, lō-hiān i ê ē-thé; i ū lō-hiān hū-jîn-lāng ê huìh-goân, hū-jîn-lāng iā ū lō-hiān i ê huìh-goân; in n̄ng-ê tiōh tui in ê peh-siⁿ-tiong siū chián-tū. ¹⁹Lāu-bú ê chí-bē á-sī lāu-pē ê chí-bē, m̄-thang lō-hiān in ê ē-thé, chiū-sī lêng-jiók kut-jiók ê chhin; in tiōh tam-tng in ê choē. ²⁰Lāng nā su-thong i ê chí-ín, chiū-sī lêng-jiók i ê chek peh; in beh tam-tng in ê choē; chit-si-lāng bô kiāⁿ. ²¹Lāng chhoā hiaⁿ-tī ê bó; che sī lâ-sâm ê sū; i ū lêng-jiók i ê hiaⁿ-tī; in tek-khak bô kiāⁿ.

²²Só-í lín tiōh siú Goá it-chhè ê lút-lē kap Goá it-chhè ê hoat-tō, lāi kiāⁿ i; bián-tit Goá só chhoā lín khi tiām ê toē chiong lín thò-chhut. ²³Goá tī lín ê bīn-chêng só koáⁿ-chhut ê peh-siⁿ, lín m̄-thang thàn in ê hong-siók; in-ūi in kiāⁿ chiaⁿ ê it-chhè ê sū, só-í Goá iām-òⁿ in. ²⁴Chóng-sī Goá bat tui lín kóng, Lín

beh sêng-chiap in ê toē, Goá beh ēng hit-ê siúⁿ-sù lín choè-giáp, chiū-sī lâu lín kap bit ê toē; Goá sī Iâ-hô-hoa, lín ê Siōng-tè, tùi bân peh-siⁿ ê tiong-kan hun-piat lín. ²⁵Só-í lín tiòh hun-piat chheng-khì kap bô chheng-khì ê siù, bô chheng-khì kap chheng-khì ê chiáu-chiah; hék-sī siù, hék-sī khim, hék-sī pē tī toē--nih lóng-chóng ê oáh-mih, Goá só· ká lín hun-piat choè bô chheng-khì ê, lín m̄-thang ūi-tiòh in tì-kàu ka-kī choè thang iàm-òⁿ ê. ²⁶Lín tiòh kui tī Goá, lâi choè-sèng; in-ūi Goá Iâ-hô-hoa sī sèng, tùi bân peh-siⁿ ê tiong-kan hun-piat lín, lâi kui tī Goá.

²⁷Bô-lūn lâm-lú ū kúi chiūⁿ-sin, á-sī kiâⁿ siá-sút ê, tek-khak tiòh hō· i sí; lâng tiòh ēng chhiò-thâu kā in tìm-sí; in ê choē kui tī in.

21 Iâ-hô-hoa tùi Mô·se kóng, Lí tiòh hoan-hù A-lún ê kiáⁿ-sun choè chè-si--ê kóng, Chòk-tiong ū lâng sí, m̄-thang ūi-tiòh i lâi phah lâ-sâm ka-kī. ²Tók-tók ūi-tiòh i kut-jiók ê chhin, chiū-sī ūi-tiòh i ê lâu-bú, ūi-tiòh i ê lâu-pē, ūi-tiòh i ê kiáⁿ, ūi-tiòh i ê cha-bó·-kiáⁿ, ūi-tiòh i ê hiaⁿ-tī, ³í-kíp kap i chì-chhin choè chhai-sek-lú ê chí-bē, ūi-tiòh i thang phah lâ-sâm ka-kī. ⁴I í-keng tī peh-siⁿ-tiong choè-thâu, chiū m̄-thang chiông-siók lâi phah lâ-sâm ka-kī. ⁵Thâu-khak m̄-thang thì-kng-kng; chhui-chhiu ê chiu-ūi m̄-thang khun; iā m̄-thang ka-kī koah-bah. ⁶Tiòh kui in ê Siōng-tè lâi chiáⁿ-sèng, m̄-thang siat-tók in ê Siōng-tè ê miá; in-ūi Iâ-hô-hoa ê hé-chè sī in ê Siōng-tè ê chiáh-mih, sī in só· hiàn-ê, só·-í in tiòh chiáⁿ choè sèng. ⁷In m̄-thang chhoā kī-lú choè-bó·, á-sī siū phah lâ-sâm ê hū-jîn-lâng choè-bó·; iā m̄-thang chhoā hō· tiōng-hu lí-chhut ê hū-jîn-lâng choè-bó·; in-ūi in sī kui in ê Siōng-tè choè-sèng. ⁸Só-í lí tiòh hun-piat i choè-sèng; in-ūi i hiàn lí ê Siōng-tè ê chiáh-mih, lí tiòh

khoàⁿ i choè-sèng; in-ūi Goá, hō· lín chiáⁿ-sèng ê Iâ-hô-hoa, chiū-sī sèng--ê. ⁹Chè-si ê cha-bó·-kiáⁿ nā kiâⁿ-im, lêng-jiók ka-kī, chiū-sī lêng-jiók i ê lâu-pē, tiòh ēng hé sio i.

¹⁰Tī hiaⁿ-tī-tiong choè chè-si-thâu, ēng boah ê iū thîn tī i ê thâu-khak, koh siat-lip tam-tng sèng-chit, chheng sèng saⁿ ê, m̄-thang phah-soàⁿ thâu-m̄ng, iā m̄-thang thiah-lh saⁿ. ¹¹M̄-thang oá-kūn sí-si; iā m̄-thang ūi-tiòh i ê lâu-pē, á-sī i ê lâu-bú, phah lâ-sâm ka-kī. ¹²M̄-thang chhut sèng-só·, iā m̄-thang siat-tók i ê Siōng-tè ê sèng-só·, in-ūi i ê Siōng-tè boah-iū ê bián-liú tī i ê thâu-khak; Goá sī Iâ-hô-hoa. ¹³I tiòh chhoā chhai-sek-lú choè-bó·. ¹⁴Koáⁿ-hū, á-sī siū lí ê hū-jîn-lâng, á-sī siū phah lâ-sâm--ê, á-sī chhiong-ki chiah-ê, lóng m̄-thang chhoā; tók-tók thang chhoā pún-chók ê chhai-sek-lú choè-bó·. ¹⁵Tī i ê peh-siⁿ-tiong m̄-thang lêng-jiók i ê hō·-è; in-ūi Goá sī hō· i chiáⁿ-sèng ê Iâ-hô-hoa.

¹⁶Iâ-hô-hoa hoan-hù Mô·se kóng, ¹⁷Lí tiòh ká A-lún kóng, Lí ták sè-tāi ê hō·-è kìⁿ ū phòà-siùⁿ ê, lóng m̄-thang kūn-chêng lâi hiàn i ê Siōng-tè ê chiáh-mih. ¹⁸In-ūi kìⁿ-ū phòà-siùⁿ ê lâng, bô-lūn sī chhiⁿ-mī-ê, pái-kha-ê, nah-phīⁿ-ê, chi-thé ū ke--ê, ¹⁹chh-kha chhiⁿ-chhiú ê, ún-ku--ê, oé-soè--ê, ²⁰bák-chiu ū m̄-thang-pēng--ê, siⁿ-sián--ê, siⁿ-chhng--ê, á-sī sún-hoai goā-sin ê, lóng m̄-thang kūn-chêng--lâi. ²¹Chè-si A-lún ê hō·-è, hoan ū phòà-siùⁿ--ê, lóng m̄-thang kūn-chêng lâi hiàn Iâ-hô-hoa ê hé-chè; i ū phòà-siùⁿ, m̄-thang kūn-chêng lâi hiàn i ê Siōng-tè ê chiáh-mih. ²²Siōng-tè ê chiáh-mih, bô-lūn sī chì-sèng--ê, sī sèng--ê, i lóng thang chiáh. ²³Chóng-sī m̄-thang lâi kàu tiùⁿ-lí, iā m̄-thang kūn toāⁿ-chêng, in-ūi i ū phòà-siùⁿ, bián-tit siat-tók Goá hiah ê sèng-só·; in-ūi Goá sī hō· in chiáⁿ-sèng ê Iâ-hô-hoa.

²⁴Tùi án-ni Mô-se hoan-hù A-lún kap i hiah ê kiáⁿ kap Í-sek-liát chêng-lâng kóng.

22 Iâ-hô-hoa hoan-hù Mô-se kóng, Lí tiòh ká A-lún kap i hiah ê kiáⁿ kóng, Tiòh lí-khui Í-sek-liát lâng só· hun-piat choè-sèng kui hō· Goá ê sèng-mih, bián-tit siat-tók Goá ê sèng-miá; Goá sī Iâ-hô-hoa. ³Tiòh ká in kóng, Lín tãi-tãi ê hō--è, kìⁿ-nā seng-khu ū ù-oè, lâi chhin-kūn Í-sek-liát lâng só· hun-piat choè-sèng, kui hō· Iâ-hô-hoa choè sèng-mih ê, hit-lâng tiòh tī Goá ê bīn-chêng chián-tū; Goá sī Iâ-hô-hoa. ⁴A-lún ê hō--è, kìⁿ-nā ū thái-ko--ê, á-sī hā-siau--ê, m̄-thang chiáh sèng-mih, tiòh theng-hāu i chheng-khì; bô-lūn sím-mih lâng bong-tiòh hit ê tùi sí-si bak-tiòh lâ-sâm ê mih, á-sī tui-cheng ê lâng; á-sī bong-tiòh sím-mih bô chheng-khì oē pē ê mih, á-sī bong-tiòh hiah ê hō· i bô chheng-khì ê lâng, put-koán hit-lâng ū sím-mih bô chheng-khì; ⁶bong-tiòh hiah-ê ê lâng, tek-khak bô chheng-khì kàu ê-hng; nā bô ēng chúí soé seng-khu, chiū m̄-thang chiáh sèng ê mih. ⁷Jit-lóh ê sí, i chiū chheng-khì; jiân-āu thang chiáh sèng-mih; in-ūi che sī i ê chiáh-mih. ⁸Ka-kī sí--ê, á-sī hō· iá-siū thiah-lh--ê, i m̄-thang chiáh, in-ūi chit-ê phah lâ-sâm ka-kī; Goá sī Iâ-hô-hoa. ⁹Só-í in tiòh siú Goá só· kau-tài ê, bián-tit in siat-tók i, tùi án-ni tam-tng choē lâi sí; Goá sī hō· in chiáⁿ-sèng ê Iâ-hô-hoa.

¹⁰It-chhè ê goā-lâng m̄-thang chiáh sèng-mih; hioh tī chè-si ê ke--ê, á-sī choè-kang lâng, lóng m̄-thang chiáh sèng-mih. ¹¹Siat-sú chè-si boé lâng, sī i ēng gūn boé ê, hit-lâng thang chiáh i; chhut-si tī i ê ke--ê iā thang chiáh i ê bí-niū. ¹²Chè-si ê cha-bó·kiáⁿ nā kè-chhut goā-lâng, chiū m̄-thang chiáh só· kú-khí-lâi ê sèng-mih. ¹³Chóng-sī chè-si ê cha-bó·kiáⁿ nā sī koáⁿ-hū, á-sī siū lí-chhut--ê, bô kiáⁿ-jī,

koh tò--lâi lāu-pē ê ke, kap i siāu-liân ê sí chit-iūⁿ, chiū thang chiáh i ê lāu-pē ê chiáh-mih; tók-tók goā-lâng m̄-thang chiáh. ¹⁴Nā ū lâng bô tiuⁿ-tí chiáh sèng-mih, tiòh chiàu hiah ê sèng-mih ke gō·hūn-chit, kau-hō· chè-si. ¹⁵M̄-thang siat-tók Í-sek-liát lâng só· hiàn hō· Iâ-hô-hoa ê sèng-mih; ¹⁶bián-tit in tī chiáh sèng-mih ê sí, tam-tng kè-sit ê choē-koà; in-ūi Goá sī hō· in chiáⁿ-sèng ê Iâ-hô-hoa.

¹⁷Iâ-hô-hoa hoan-hù Mô-se kóng, ¹⁸Lí tiòh hoan-hù A-lún kap i hiah ê kiáⁿ, kap Í-sek-liát ê chêng-lâng, tùi in kóng, Í-sek-liát-ke ê lâng, á-sī tī Í-sek-liát-tiong kià-kha-ê kìⁿ-nā hiàn lé-mih, bô-lūn sī só· hē ê goān, á-sī kam-sim hiàn--ê, chiū-sī hiàn hō· Iâ-hô-hoa choè sio-chè--ê; ¹⁹chiū tiòh hiàn gū, á-sī mī-iūⁿ, á-sī soaⁿ-iūⁿ, lóng tiòh ēng kang--ê, bô hā-chhū--ê, chiah oē tit-tiòh hoaⁿ-hí chiap-láp. ²⁰Kìⁿ-nā ū hā-chhū--ê, lín m̄-thang hiàn; in-ūi che bô beh ká lín chiap-láp. ²¹Kìⁿ-nā tùi gū-kūn, á-sī iūⁿ-kūn tiong, chiong siā-un-chè hiàn hō· Iâ-hô-hoa, ū-tiòh beh siā ték-piát hē ê goān, á-sī choè kam-sim hiàn--ê, só· hiàn-tiòh--ê tiòh sūn-choán, bô hā-chhū, chiah oē tit-tiòh chiap-láp. ²²Chhiⁿ-mī ê, tiòh-siong--ê, phoà-siūⁿ--ê, siⁿ-liū--ê, siⁿ-chhng--ê, siⁿ-sián--ê, chiah-ê lóng m̄-thang hiàn hō· Iâ-hô-hoa; iā m̄-thang tī toāⁿ-téng hiàn hō· Iâ-hô-hoa choè hé-chè. ²³Bô-lūn sī gū-káng á-sī iūⁿ-á, nā sī chi-thé ū ke á-sī ū kiám ê, hit-hō thang choè kam-sim chè lâi hiàn; chóng-sī ēng i lâi siā-goān chiū boē tit-tiòh chiap-láp. ²⁴Goā-sīm sún-siong--ê, á-sī teh-chhùi--ê, á-sī phoà-lh--ê, á-sī iam--ê, m̄-thang hiàn-hō· Iâ-hô-hoa; tī lín ê thó·toē iā m̄-thang án-ni kiáⁿ. ²⁵Chit hō ê mih lín iā m̄-thang tùi goā-kok lâng ê chhiú chiap-siū hiàn-choē lín Siōng-tè ê chiáh-mih; in-ūi chit hō mih lóng ū hui-

hoài, ũ hâ-chhū ê, boē thang kā lín chiap-láp.
²⁶Iâ-hô-hoa hoan-hù Mô-se kóng, ²⁷Gū, á-sī mī-iūⁿ, á-sī soaⁿ-iūⁿ í-keng siⁿ, chhit-jít tè i ê bú, tui tē-poeh jít í-âu, thang choē Iâ-hô-hoa hé-chè ê lé-mih, tit-tiòh chiap-láp. ²⁸Bô-lūn gū-bú á-sī iūⁿ-bú, lí m̄-thang siang-jít thâi bú kap kiáⁿ. ²⁹Lín hiàn siā-un-chè hō Iâ-hô-hoa, tiòh hiàn thang tit-tiòh chiap-láp ê. ³⁰Tiòh chiū hit-jít chiáh i, m̄-thang lâu chit-tiám-á kàu kè chá-khí; Goá sī Iâ-hô-hoa. ³¹Só-í lín tiòh siú Goá chiaⁿ ê kài-bēng lâi kiāⁿ i; Goá sī Iâ-hô-hoa. ³²Lín m̄-thang siat-tók Goá ê sèng-miā; in-ūi Goá tī Í-sek-liát ê tiong-kan, beh siū chun lâi choē-sèng; ³³Goá sī hō lín chiaⁿ-sèng ê Iâ-hô-hoa, chhoā lín chhut Ai-kíp toē, choē lín ê Siōng-tè ê; Goá sī Iâ-hô-hoa.

23 Iâ-hô-hoa hoan-hù Mô-se kóng, Lí tiòh hoan-hù Í-sek-liát lāng kā i kóng, Iâ-hô-hoa ê choeh-kí, lín só tiòh soan-pò choē sèng-hoē ê, í-ē chiaⁿ-ê chiū-sī Goá ê choeh-kí. ³Lák-jít tiòh choē-kang, tē-chhit jít sī toā ê an-hioh-jít; tiòh choē sèng-hoē; lín it-chhè ê kang lóng m̄-thang choē, tī lín it-chhè khiā-khí ê só-chāi; che sī choē Iâ-hô-hoa ê sèng-jít.

⁴Iâ-hô-hoa chiaⁿ ê choeh-kí, chiū-sī sèng-hoē, lín kàu-kí só tiòh soan-pò-ê, chiū-sī chiaⁿ-ê. ⁵Chiaⁿ-gêh cháp-si-jít hông-hun ê sí, sī Iâ-hô-hoa ê jû-oat-choeh. ⁶Chit-gêh cháp-gō jít sī Iâ-hô-hoa ê tū-kàⁿ-choeh; lín tiòh chiaⁿ hô-kàⁿ-piáⁿ chhit-jít kú. ⁷Thâu-chit-jít tiòh ũ sèng-hoē; lóng m̄-thang choē sím-mih khó-kang. ⁸Chhit-jít kú tiòh hiàn hé-chè hō Iâ-hô-hoa; tē-chhit jít sī sèng-hoē, lóng m̄-thang choē sím-mih khó-kang.

⁹Iâ-hô-hoa hoan-hù Mô-se kóng, ¹⁰Lí tiòh hoan-hù Í-sek-liát lāng kā in kóng, Lín kàu Goá siúⁿ-sù lín ê toē, siu-koah ngó-kok ê sí, tiòh chiong khí-thâu-sék ê ngó-kok chit-

khún, toā-lâi hō chē-si. ¹¹I tiòh ēng chit-khún iô tī Iâ-hô-hoa ê bīn-chēng, hō lín tit-tiòh chiap-láp; chē-si tiòh tī an-hioh-jít ê keh-jít iô i. ¹²Iô chit-khún ê jít, lín tiòh chiong chit chiaⁿ bē-moá-nī hô hâ-chhū ê mī-iūⁿ-káng-á, hiàn hō Iâ-hô-hoa choē sio-chè. ¹³Saⁿ-soà hiàn ê sò-chè, chiū-sī tiau-hô iū ê iū-mī-hún i-hoat cháp-hūn ê nng-hūn, choē phang-phang ê hé-chè hiàn-hō Iâ-hô-hoa; saⁿ-soà hiàn ê koàn-tiān, tiòh ēng chiú chit-him ê sī-hūn chit. ¹⁴Bô-lūn sī piáⁿ, á-sī pē ê ngó-kok, á-sī sin ê sūi, lín lóng m̄-thang chiaⁿ, kàu lín toā lé-mih hiàn-hō lín ê Siōng-tè hit-jít chiaⁿ thang; che tī lín it-chhè khiā-khí ê só-chāi, choē lín tãi-tãi éng-oán ê lē.

¹⁵Lín tiòh tui an-hioh-jít ê keh-jít, hiàn tiū khún choē iô-chè; hit-jít ũi ka-kī sng-khí, moá chhit ê an-hioh-jít, kàu tē-chhit ê an-hioh-jít ê keh-jít, lín tiòh sng gō-cháp-jít, koh tiòh chiong sin ê sò-chè hiàn-hō Iâ-hô-hoa. ¹⁷Tiòh tui lín khiā-khí ê só-chāi thêh-chhut iū ê mī-hún i-hoat cháp-hūn-nng, chham kàⁿ, pek nng tè iô-chè ê piáⁿ, choē khí-thâu-sék ê mih, hiàn hō Iâ-hô-hoa. ¹⁸Koh tiòh ēng bē-moá-nī hô hâ-chhū ê iūⁿ-á chhit-chiaⁿ, gū-káng-á chit-chiaⁿ, mī-iūⁿ-káng nng-chiaⁿ, kap hiah ê piáⁿ saⁿ-kap hiàn in choē sio-chè hō Iâ-hô-hoa, kap in ê sò-chè, in ê koàn-tiān, choē phang-phang ê hé-chè, hiàn hō Iâ-hô-hoa. ¹⁹Lín tiòh hiàn chit chiaⁿ soaⁿ-iūⁿ-káng choē siók-choē-chè, nng chiaⁿ bē-moá-nī ê mī-iūⁿ-á choē siā-un-chè. ²⁰Chē-si tiòh iô in, kap khí-thâu-sék ê bēh ê piáⁿ, choē iô-chè tī Iâ-hô-hoa ê bīn-chēng, kap hí nng chiaⁿ iūⁿ-á; tiòh hun-piat in choē sèng, hiàn hō Iâ-hô-hoa, lâi kui hō chē-si. ²¹Siang hit-jít lín tiòh soan-pò choē lín ê sèng-hoē; lóng m̄-thang choē sím-mih khó-kang; che tī lín it-chhè khiā-khí ê

só·-chāi, choè ták sè-tāi éng-oán ê lē.

²²Lín siu-koah chhân ê ngó·-kok, chhân ê kak-thâu m̄-thang koah kàu chīn, ka-lāuh--ê iā m̄-thang khioh; tiōh lâu hō· sòng-hiong lāng kap chhut-goā-ê khioh; Goá sī Iā-hô-hoa.

²³Iā-hô-hoa hoan-hù Mô·-se kóng, ²⁴Lí tiōh hoan-hù Í-sek-liát lāng kóng, Chhit-gêh chhoe-it, lín tiōh siú choè sèng ê an-hioh-jit, tiōh pún hō-thâu choè kì-liām; tiōh choè sèng-hoē. ²⁵Lóng m̄-thang choè sím-mih khó·-kang; tiōh chiong hé-chè hiàn hō· Iā-hô-hoa.

²⁶Iā-hô-hoa hoan-hù Mó·-se kóng, ²⁷Chhit-gêh chhoe-cháp jit sī siók-choē ê jit; lín tiōh siú choè sèng-hoē; koh tiōh khek-khó· ka-kī ê sim; iā tiōh chiong hé-chè hiàn hō· Iā-hô-hoa. ²⁸Siāng chit-jit lóng m̄-thang choè sím-mih kang, in-ūi sī siók-choē ê jit; tī Iā-hô-hoa lín ê Siōng-tè ê bīn-chêng kā lín siók-choē. ²⁹Siāng chit-jit, kìⁿ-nā bô khek-khó· i ê sim ê, beh tui peh-siⁿ-tióng siū chián-tū. ³⁰Kìⁿ-nā tī chit-jit choè sím-mih kang ê, Goá beh tui peh-siⁿ-tióng tū-biát i. ³¹Lín lóng m̄-thang choè sím-mih kang; che tī lín it-chhè khiā-khí ê só·-chāi, choè lín ták sè-tāi éng-oán ê lē. ³²Lín tiōh siú chit-jit choè toā ê an-hioh-jit; tī chit-gêh ê chhoe-káu jit ê-hng, tui hit ê-hng kàu keh ê-hng, tiōh siú lín an-hioh-jit.

³³Iā-hô-hoa hoan-hù Mô·-se kóng, ³⁴Lí tiōh kā Í-sek-liát lāng kóng, Chit ê chhit-gêh chấp-gō· jit sī tah-liâu-á choeh, chhit-jit kú kā Iā-hô-hoa siú i. ³⁵Thâu-chit-jit tiōh ū sèng-hoē, m̄-thang choè sím-mih khó·-kang. ³⁶Lín chhit-jit kú tiōh chiong hé-chè hiàn-hō· Iā-hô-hoa; tē-poeh jit tiōh siú sèng-hoē, tiōh chiong hé-chè hiàn hō· Iā-hô-hoa; chè sī giām-siok-hoē, lóng m̄-thang choè sím-mih khó·-kang.

³⁷Che sī Iā-hô-hoa chiah ê choeh; lín tiōh soan-pò· choè sèng-hoē ê, tiōh chiong hé-chè,

sio-chè, sò·-chè, chè-mih, kap koàn-tiān hiàn-hō· Iā-hô-hoa, koh chiàu i ê jit-kī. ³⁸Che sī tī Iā-hô-hoa kìⁿ an-hioh-jit í-goā, koh tī lín ê lé-mih í-goā, kap lín só· hē ê goān í-goā, kap kam-sim hiàn-ê í-goā, chiū-sī lín só· hiàn hō· Iā-hô-hoa ê.

³⁹Koh tī chhit-gêh chấp-gō· jit, lín í-keng siu thó·-sán ê sī, tiōh siú Iā-hô-hoa ê choeh chhit-jit kú; thâu-chit jit choè sèng ê an-hioh, tē-poeh jit iā choè sèng ê an-hioh. ⁴⁰Thâu-chit-jit tiōh bán hó-chhiū ê ké-chí, kap chó-chhiū ê kì, kap âm-chhiū ê oāiⁿ, kap hô-piⁿ ê liú, tī Iā-hô-hoa lín Siōng-tè ê bīn-chêng hoaⁿ-hí chhit-jit kú. ⁴¹Ták-nī chhit-gêh-kan, lín tiōh chhit-jit kú kā Iā-hô-hoa siú chit ê choeh; che sī lín ták sè-tāi éng-oán ê lē. ⁴²Lín tiōh tiām tī chháu-liâu-á-lāi chhit-jit kú; kìⁿ-nā Í-sek-liát pún-toē lāng lóng tiōh tiām tī chháu-liâu-á-lāi. ⁴³Thang hō· lín ták-tāi chai Goá chhoā Í-sek-liát lāng chhut Ai-kíp toē ê sī, Goá hō· in tiām tī chháu-liâu-á-lāi; Goá sī Iā-hô-hoa lín ê Siōng-tè. ⁴⁴Mô·-se chiū chiong Iā-hô-hoa ê choeh-kī thoan hō· Í-sek-liát lāng.

24 Iā-hô-hoa hoan-hù Mô·-se kóng, Tiōh bēng-lēng Í-sek-liát lāng, ēng kaⁿ-ná khoeh-chiāⁿ chheng ê iū, thèh lái hō· lí, thang tiām-teng hō· i siōng-siōng kng. ³Tī hoē-bō·-lāi hoat-kui ê tiūⁿ-lí-goā, A-lūn tiōh liâu-lí i, tui ê-hng kàu chá-khí, siōng-siōng tī Iā-hô-hoa ê bīn-chêng; che sī choè lín tãi-tãi éng-oán ê lē. ⁴I tiōh tī Iā-hô-hoa ê bīn-chêng, siōng-siōng liâu-lí chiah ê teng tī chheng-khì ê teng-tái-téng.

⁵Lí tiōh thèh iū ê mī-hún, pek chấp-jī tè piáⁿ, múi-tè ēng i-hoat chấp-hūn-nng. Tiōh chiong piáⁿ pài choè nng-choā, múi-choā lāk-tè tī Iā-hô-hoa ê bīn-chêng sèng-kiat ê toh-téng. ⁷Koh tiōh ēng chheng-khì ê jú-hiūⁿ hē

tī ták-choā, kā piáⁿ choè kì-hō, chiū-sī choè hé-chè hiàn hō· Iâ-hô-hoa. ⁸Ták ê an-hioh-jit, i tiòh siông-siông pài tī Iâ-hô-hoa ê bîn-chêng; che sī ūi-tiòh Í-sek-liát lāng choè éng-oán ê iok. ⁹Chiah ê piáⁿ tiòh kui hō· A-lūn kap i ê kiáⁿ-sun, in tiòh tī sèng ê só·-chāi chiáh i; in-ūi tī Iâ-hô-hoa ê hé-chè tióng, chit-ê sī chî-sèng kui tī i, choè éng-oán ê lē.

¹⁰Ū chit-lāng i ê lāu-bú sī Í-sek-liát lāng; i ê lāu-pē sī Ai-kíp lāng, chhut-lāi kiáⁿ tī Í-sek-liát lāng ê tióng-kan; chit ê Í-sek-liát hū-jîn-lāng ê kiáⁿ, kap chit ê Í-sek-liát lāng tī iâⁿ-poāⁿ-lāi oan-ke. ¹¹Chit ê Í-sek-liát hū-jîn-lāng ê kiáⁿ siat-tók sèng miā, koh chiú-chó; chiū ū lāng chiong i toà kàu Mô-se hia; i ê lāu-bú miā kiò Sī-lô-bít, sī Tàn ê chi-phài, Tí-pek-lī ê cha-bó·-kiáⁿ. ¹²In koaiⁿ i tī khu-liú-só, beh thèng-hāu Iâ-hô-hoa chí-sī.

¹³Iâ-hô-hoa hoan-hù Mô-se kóng, ¹⁴Tiòh chiong hit ê chiū-chó· ê lāng toà kàu iâⁿ-goā, hō· thiaⁿ-kìⁿ ê lāng hoāⁿ-chhiú tī i ê thâu-khak-téng; choân-hoē chêng-lāng tiòh éng chiòh-thâu tìm-sí i. ¹⁵Lí tiòh hoan-hù Í-sek-liát lāng kóng, Kìⁿ-nā chiū-chhó i ê Siōng-tè ê, tiòh tam-tng i ê choē. ¹⁶Lāng siat-tók Iâ-hô-hoa ê miā, tiòh hō· i sí; choân-hoē ê chêng-lāng tiòh éng chiòh-thâu tìm-sí i; put-koán sī chhut-goā lāng, á-sī pún-toē lāng, i siat-tók Iâ-hô-hoa ê miā ê sí, tiòh hō· i sí. ¹⁷Kìⁿ-nā phah-sí lāng ê, tek-khak tiòh hō· i sí. ¹⁸Phah-sí cheng-siⁿ ê, tiòh pē i, ēng miā pē miā. ¹⁹Lāng nā hō· i ê chhù-piⁿ siū sún-siong, i án-ni kiáⁿ, iā tiòh án-ni khoán-thāi i. ²⁰Ēng siong pē siong, ēng bák-chiu pē bák-chiu, ēng chhùi-khí pē chhùi-khí, i sún-siong lāng cháiⁿ-iūⁿ, iā tiòh án-ni pān i. ²¹Phah-sí cheng-siⁿ ê, tiòh pē i; phah-sí lāng ê, tek-khak tiòh hō· i sí. ²²Put-koán sī chhut-goā lāng, á-

sī pún-toē lāng, tâng chit-iūⁿ ê hoat-lút; in-ūi Goá Iâ-hô-hoa sī lín ê Siōng-tè. ²³Mô-se chiū kā Í-sek-liát lāng kóng, in chiū chiong hit ê chiū-chó· ê lāng toà kàu iâⁿ-goā, ēng chiòh-thâu tìm-sí; Í-sek-liát lāng chiū chiàu Iâ-hô-hoa só· bēng-lēng Mô-se ê lāi kiáⁿ.

25 Iâ-hô-hoa tī Se-nái soaⁿ hoan-hù Mô-se kóng, Lí tiòh hoan-hù Í-sek-liát lāng kā in kóng, Lín kàu Goá siúⁿ-sù lín hit ê toē ê sí; toē chiū tiòh kā Iâ-hô-hoa siú an-hioh. ³Lák-ni tiòh chêng-choh lí ê chhân-hng, lák-ni kú tiòh san-koah lí ê phû-tô-hng, siu toē ê chhut-sán. ⁴Kàu tē-chhit nī toē tiòh siú toā ê an-hioh, chiū-sī kā Iâ-hô-hoa siú ê an-hioh, m̄-thang chêng-choh lí ê chhân-hng, iā m̄-thang san phû-tô-hng. ⁵Siu-sēng liáu ka-kī hoat ê gó·kak, m̄-thang siu-koah, bô kè san-koah ê phû-tô-chhiū, iā m̄-thang bán phû-tô; chit-ni sī toē ê an-hioh nī. ⁶Toē tī an-hioh nī só·-chhut--ê beh hō· lín choè chiáh-mih; i ê chhut-sán lóng beh hō· lí kap lí ê lô·pók, lí ê lú-pi, lí ê chhiàⁿ-kang-lāng, í-kíp kià-kha tī lí hia ê goā-lāng, kap lí ê cheng-siⁿ, í-kíp tī lí ê toē ê cháu-siū choè chiáh-mih.

⁸Lí tiòh ūi ka-kī sng an-hioh-ni chhit-ê, chiū-sī chhit-pái ê chhit-ni; chí chhit-pái ê an-hioh-ni, tui tī lí sī sì-cháp-káu nī. ⁹Hit-ni chhit-géh chhoe-cháp jit, lí tiòh sì-koè pūn toā-siaⁿ ê sàu-kak; tī siók-choē ê jit tiòh choân-toē pūn sàu-kak. ¹⁰Lín tiòh ēng tē gō·cháp nī choè-sèng, tī piàn-toē kā it-chhè khiā-khí ê peh-siⁿ soan-pò· chū-iū; chit-ni beh choè lín ê hi-liân; lín ták lāng tiòh kui ka-kī ê sán-giáp, ták-lāng tiòh tò-khì i ê pún-ke. ¹¹Tē gō·cháp nī beh choè lín ê hi-liân, m̄-thang chêng-choh; toē ka-kī hoat ê, m̄-thang siu-koah; bô-san ê phû-tô-chhiū iā m̄-thang bán i. ¹²In-ūi che sī hi-liân, lín tiòh liáh i choè-

sêng; lín thang chiáh toē--nih ka-kī chhut ê thó·sán. ¹³Chit ê hi-liân, lín ták-lâng tiòh tò--khì ka-kī ê sán-giáp. ¹⁴Lín boē mih hō· chhù-piⁿ, á-sī tùi chhù-piⁿ boé mih, lín m̄-thang saⁿ khek-khui. ¹⁵Lí tiòh chiàu hi-liân-āu ê nî-hān, tùi chhù-piⁿ boé, i iā tiòh chiàu siu-sêng ê nî-hān boē hō· lín. ¹⁶Chiàu nî-hān ê choē, lí tiòh ke-thiⁿ i ê kè-chiⁿ, chiàu nî-hān ê chió, lí tiòh kiám-chió i ê kè-chiⁿ; in-ūi i chiàu siu-sêng ê siàu-giáh lâi boē hō· lín. ¹⁷Lín iā m̄-thang saⁿ khek-khui, tók-tók tiòh keng-ùi lín ê Siōng-tè; in-ūi Goá sī Iā-hô-hoa lín ê Siōng-tè. ¹⁸Só·í lín tiòh kiāⁿ Goá ê lút-lē, siú Goá ê hoat-tō· lâi kiāⁿ i; chiū thang tī hit ê toē an-jîan khiā-khi. ¹⁹Toē iā beh chhut i ê thó·sán, lín chiū beh chiáh-pá, tī hit ê toē an-jîan khiā-khi. ²⁰Lín nā kóng, Khoàⁿ ah, chit ê tē-chhit nî goán bô cheng-choh, iā bô siu-sêng thó·sán, beh chiáh sím-mih ah? ²¹Goá beh tī tē lák-nî bēng-lēng Goá ê hok-khì hō· lín, toē chiū siⁿ saⁿ-nî ê thó·sán. ²²Tē-poeh nî lín tiòh cheng-choh, iā tiòh chiáh toē ê chhut-sán, chiū-sī kû ê bí-niū; theng-hāu kàu tē-káu nî, hit-nî ê chhut-sán siu-lâi ê sí, lín iáu-kú teh chiáh kû ê bí-niū. ²³Toē m̄-thang éng-oán boē-tng, in-ūi toē sī Goá ê; lín tī Goá ê bīn-cheng sī chhut-goā lāng, sī kià-kha-ê. ²⁴Lín só· tit-tiòh choē-giáp ê choân-toē, tiòh chún lāng siók-hoê.

²⁵Lí ê hiaⁿ-tī nā pìⁿ-choè sòng-hiong, boē i ê giáp kúi-nā hūn, i ê chì-chhin tiòh lâi, siók-hoê i ê hiaⁿ-tī só· boē ê. ²⁶Nā bô lāng thang kâ i siók-hoê, i pún-sin koh chiāⁿ choè hó-giáh, kàu giáh oē siók-hoê, i chiū tiòh sng boē-chhut toē ê nî-hān, chiong só·-chhun-ê hêng hit ê boé-chú, pún-sin chiū thang hók-tò i ê sán-giáp. ²⁸Hit ê lāng nā boē-oē ūi ka-kī siók-hoê, chiū só·-boē ê iū-goân chún tī boé-chú ê

chhiú, tit-kàu hi-liân; hi-liân í-keng kàu, sán-giáp tiòh kau-chhut; hit-lāng chiū hók-tò i ê giáp.

²⁹Lāng nā boē siāⁿ-lâi ê chhù, boē liáu-āu chit-nî thang siók-hoê; chit-nî ka-nng iā ū siók-hoê ê koân. ³⁰Nā chit-nî í-keng moá bô siók-hoê chit ê siāⁿ-lâi ê chhù, chiū tiāⁿ-tiòh éng-oán kui boé-chú kàu ták-tāi; tī hi-liân iā boē-tit kau-chhut. ³¹Tók-tók chhù tī bô siāⁿ-chhiūⁿ ê huiⁿ-chhng, tiòh khoàⁿ i chhin-chhiūⁿ huiⁿ-ē ê chhân chit-iūⁿ, thang siók-hoê; kàu hi-liân, lóng tiòh kau-chhut. ³²Chóng-sī Lī-bī lāng ê siāⁿ, chiū-sī in só· tit-tiòh choē-giáp ê siāⁿ hit tiòng-kan ê chhù, Lī-bī lāng thang put-koán-sī lâi siók-hoê. ³³Nā ū lāng tui Lī-bī lāng siók-hoê chhù-thêh, só· boē ê chhù tī só· tit-tiòh choē-giáp ê siāⁿ, kàu hi-liân chiū tiòh kau-chhut; in-ūi Lī-bī lāng siāⁿ-lâi ê chhù, sī in tī Í-sek-liát lāng tiòng ê sán-giáp. ³⁴Chóng-sī in ê siāⁿ-goā kau-ia̍ ê toē, m̄-thang boē, in-ūi sī in éng-oán ê sán-giáp.

³⁵Lí ê hiaⁿ-tī pìⁿ-choè sòng-hiong soe-thè tī lí hia, lí tiòh pót-chō· i, hō· i kap lí saⁿ-kap toà, chhin-chhiūⁿ goā-lāng kap kià-kha-ê chit-iūⁿ. ³⁶M̄-thang thêh i ê lī-sek, iā m̄-thang thêh i khah-ke; tók-tók tiòh keng-ùi lí ê Siōng-tè, hō· lí ê hiaⁿ-tī kap lí toà. ³⁷Lí chioh i chíⁿ m̄-thang kâ i thêh lī-sek, lí chioh i bí-niū iā m̄-thang kâ i thêh khah-ke. ³⁸Goá sī Iā-hô-hoa lín ê Siōng-tè, bat chhoā lín chhut Ai-kíp toē, ūi-tiòh beh siúⁿ-sù lín Ka-lâm toē, iā beh choè lín ê Siōng-tè.

³⁹Lí ê hiaⁿ-tī nā pìⁿ sòng-hiong tī lí hia, chiong pún-sin boē hō· lí, m̄-thang hō· i chhin-chhiūⁿ lô·pók hók-sāi lí. ⁴⁰I tiòh tī lí hia chhin-chhiūⁿ choē-kang lāng, kap kià-kha-ê chit-iūⁿ; tiòh hók-sāi lí tit kàu hi-liân. ⁴¹Hit-

sī i beh lī-khui lí chhut-khì, kap i ê kiáⁿ-jī saⁿ-kap tò-khì i ê pún-ke, hók-tò i chók-kong ê giáp. ⁴²In-ūi in sī Goá ê lô·pók, sī Goá só· chhoā-chhut Ai-klp toē ê; m̄-thang boē choē lô·pók. ⁴³M̄-thang giâm-giâm koán-hat i, tók-tók tiòh keng-ùi lí ê Siōng-tè. ⁴⁴Lūn-kàu lí só· beh ū ê lô·pók lú·pī, thang tui sī-ūi ê kok tiong boē lâi choē lô·pók lú·pī. ⁴⁵Koh hiah ê kià-kha tī lín tiong-kan ê goā-lâng ê kiáⁿ-jī, í-klp in kap lín tiàm hiah ê ke-koán, tī lín ê toē-hng só·sīⁿ-ê, lín iā thang tui in tiong-kan boē lāng; in beh choē lín ê ke-giáp. ⁴⁶Lín beh chhú in choē-giáp, lâu hō· kiáⁿ-sun choē ke-giáp; lín beh éng-oán tui in tiong-kan chhú i choē lô·pók; tók-tók lín ê hiaⁿ-tī Í-sek-liát lāng, lín m̄-thang giâm-giâm saⁿ koán-hat.

⁴⁷Tiàm tī lín hia ê goā-lâng, á-sī kià-kha-ê, nā pīⁿ-choē hó-giáh, lí ê hiaⁿ-tī tī in hia pīⁿ-choē sòng-hiong, chiong ka-kī boē hō· lín tiong-kan ê goā-lâng, á-sī kià-kha-ê, á-sī goā-lâng ê ke-chók. ⁴⁸Boē liáu-āu thang siók-hoē i, i ê hiaⁿ-tī ê chít-ê thang siók-hoē i; peh-cheh, á-sī peh-cheh ê kiáⁿ thang siók-hoē i, á-sī pún-ke ê chhin-lāng, iā thang siók i; i pún-sin nā chiáⁿ-choē hó-giáh iā thang ka-kī siók. ⁵⁰I tiòh kap boē-chú sng-siàu, tui boē ka-kī hit-nī khí, sng kàu hi-liân, só· boē ê ké-chíⁿ chiàu nī-hān ê choē-chió, tiòh chiàu choē-kang lāng ê nī-hān kap i sng. ⁵¹Nā só· chhun ê nī iáu-kú choē, chiū tiòh chiàu hit ê nī-hān, tui boē-i ê kè-chíⁿ, i tiòh hêng i siók-hoē ê kè-chíⁿ. ⁵²Nā kàu hi-liân chhun bô kúi-nī, tiòh kap i sng; chiàu hit ê nī-hān tiòh hêng i siók-hoē kè-chíⁿ. ⁵³I tiòh kap i toà, chhin-chhiūⁿ nī-nī kò·chhiàⁿ ê choē-kang lāng; boē-chú m̄-thang giâm-giâm koán-hat i. ⁵⁴Nā bô tī chiah-ê siū-siók, kàu hi-liân i kap i ê kiáⁿ-jī

lóng thang chhut-khì chū-iū. ⁵⁵In-ūi Í-sek-liát lāng sī Goá ê lô·pók, sī Goá chhoā-chhut Ai-klp toē ê; Goá sī Iā-hō-hoa lín ê Siōng-tè.

26 Lín m̄-thang ūi pún-sin choē sím-mih sîn-pút, iā m̄-thang chhāi tiau-khek ê ngó·siōng, á-sī thiāu-siōng; iā m̄-thang tī lín ê toē-kài an-tì sím-mih kheh-siōng ê chiòh, kúi-pài i; in-ūi Goá sī Iā-hō-hoa lín ê Siōng-tè. ²Lín tiòh siú Goá chiah ê an-hioh, keng Goá ê sèng-só; Goá sī Iā-hō-hoa.

³Lín nā chun-thàn Goá ê lút-lē, siú Goá ê kài-bēng lâi kiáⁿ i, ⁴Goá chiū ká lín lóh kíp-sī ê hō·, toē chhut i ê thók·sán, chhân-iá ê chhiū-bák kiat ké-chí. ⁵Lín phah gō·kak beh phah kàu bán phū-tô ê sī; bán phū-tô beh bán kàu iā-chéng ê sī; koh lín beh chiah lín ê bí-niū kàu pá, tī lín ê thók·toē an-jiàn khiā-khí. ⁶Goá beh siúⁿ-sù pēng-an tī lín ê toē; lín tó-teh khùn, bô lāng phah-kiaⁿ lín; Goá beh tī lín ê toē tū-khì ok-siū, to-kiām iā bô keng-kè lín ê toē. ⁷Lín beh koáⁿ-cháu tui-ték, in beh tī lín ê bīn-chēng tó tī to-ê. ⁸Lín gō·lāng beh koáⁿ-cháu chít-pah lāng, lín chít-pah lāng beh koáⁿ-cháu chít-bān lāng, tui-ték beh tī lín ê bīn-chēng tó tī to-ê. ⁹Goá beh khoàⁿ-kò· lín, hō· lín seng-ióng chin-choē, iā beh kap lín kian-líp Goá ê iok. ¹⁰Lín beh chiah khng kú-kú ê kú ngó·kok, koh ūi-tiòh sin ê, poaⁿ-chhut kú-ê. ¹¹Goá beh tī lín tiong-kan lip Goá ê hoē-bō·, Goá ê sim iā bô iām-dòⁿ lín. ¹²Goá beh kiáⁿ tī lín tiong-kan, Goá beh choē lín ê Siōng-tè, lín beh choē Goá ê peh-siⁿ. ¹³Goá sī Iā-hō-hoa lín ê Siōng-tè, bat chhoā lín chhut Ai-klp toē, bián-tit lín choē in ê lô·pók; Goá bat chām-tng lín ê taⁿ ê soh, hō· lín theng-sin lâi kiáⁿ.

¹⁴Lín nā m̄ thiaⁿ-thàn Goá, m̄ siú Goá lóng-chóng ê kài-bēng, ¹⁵lín nā khi-sak Goá

ê lút-lē, sim-lāi iām-òⁿ. Goá ê hoat-tō, tì-kàu bô kiâⁿ Goá it-chhè kài-bēng, poē Goá ê iok, ¹⁶Goá chiū beh án-ni khoán-thāi lín; Goá tiāⁿ-tiōh beh hō· lín kiaⁿ-hiāⁿ, siau-sán, jiát-pīⁿ, bák-chiu phah-pháiⁿ, sim iu-siong; lín beh khang-khang iā-chéng, in-ūi lín ê tui-ték beh chiáh i. ¹⁷Goá beh tui lín pīⁿ-bīn, lín beh pāi-tīn tī tui-ték ê bīn-chēng; oàn-hūn lín-ê beh khoán-hat lín; bô lāng tui-koáⁿ, lín iā beh tô-cháu. ¹⁸Lín in-ūi chiaⁿ ê tãi-chì nā iáu-kú m̄-thiaⁿ-thàn Goá, Goá chiū beh ūi-tiōh lín ê choē ke-thiⁿ chhit-pē chek-hoát lín. ¹⁹Goá beh toān-choát lín ū sè-lék ê kiau-ngō; koh beh hō· lín ê thiⁿ chhin-chhiūⁿ thih, lín ê toē chhin-chhiūⁿ tâng. ²⁰Lín chhut-lát tiōh-boā beh khang-khang, in-ūi lín ê toē bô chhut i ê thó·sán, toē ê chhiū-bák iā bô kiát i ê ké-chí. ²¹Lín kiâⁿ tãi-chì nā kap Goá hoán-tui, m̄-khéng thiaⁿ-thàn Goá, Goá chiū beh chiàu lín ê choē ke-thiⁿ chhit-pē kàng chai-ē hō· lín. ²²Goá beh chhe iá-siū kàu lín ê tiong-kan, ká-chiáh lín ê kiáⁿ-jī, thun-biát lín ê cheng-siⁿ, hō· lín ê lāng-giáh kiám-chió, lín ê lô· pha-hng. ²³Lín in-ūi chiaⁿ-ê iáu-kú bô siū chek-tok lâi kui-ñg Goá, kiâⁿ tãi-chì hoán-tui Goá, ²⁴Goá iā beh kiâⁿ tãi-chì lâi hoán-tui lín; Goá pún-sin beh in-ūi lín ê choē, phah lín chhit-pē tâng. ²⁵Goá koh beh hō· to-kiám līm-kàu lín, pò-èng lín poē-iok ê choē; lín beh siū ūi-khùn tī siáⁿ-lāi; Goá beh kàng un-ék tī lín tiong-kan; iā beh kau lín tī tui-ték ê chhiú. ²⁶Goá toān-choát lín só· oá-khò ê bí-niū; hit-sī beh ū chap ê hū-jīn-lāng tī chit ê lô· ká lín pek-piáⁿ, chhin lín ê giáh ê chiáh-mih hō· lín, lín beh chiáh, iā chiáh boē pá.

²⁷Lín in-ūi che it-chhè ê sū, nā iáu-kú m̄ thiaⁿ-thàn Goá, iā kiâⁿ tãi-chì hoán-tui Goá, ²⁸Goá chiū beh hoat-chhut toā siū-khì, kiâⁿ

tãi-chì hoán-tui lín; Goá pún-sin in-ūi lín ê choē, chek-hoát lín chhit-pē ê tâng. ²⁹Koh lín beh chiáh lín ê kiáⁿ ê bah; lín ê cha-bó·-kiáⁿ ê bah lín iā beh chiáh. ³⁰Goá iā beh húi-hoāi lín ê soaⁿ-thâu-toāⁿ, chhò lín ê jīt-siōng, chiong lín ê sin-si hiat tī lín ê ngó·-siōng ê sin-chiūⁿ; Goá ê sim iā beh iām-òⁿ lín. ³¹Goá beh hō· lín ê siáⁿ pha-hng, hō· lín chiaⁿ ê sèng-só· hong-hoē; Goá iā bô beh phīⁿ lín ê huiⁿ-liāu ê phang-bī. ³²Goá beh hō· toē hong-hoē; lín ê tui-ték khiā tī-hia ê, beh in-ūi án-ni lâi gōng-ngiáh. ³³Goá beh sì-soaⁿ lín tī liát-pang tiong; Goá iā beh pūih to tui-koáⁿ lín; lín ê toē beh hong-hoē, lín ê siáⁿ beh pha-hng. ³⁴Lín tī tui-ték ê toē khiā-khí ê sī, lín ê toē pha-hng beh híong-siū i ê an-hioh; tī hit-sī toē beh híoh-khùn, híong-siū i ê an-hioh. ³⁵Toē pha-hng joā-kú, chiū beh tit-tiōh an-hioh hiah-kú; in-ūi lín tiām tī-hia ê jīt, lín chiaⁿ ê an-hioh ê kī i bô tit-tiōh an-hioh. ³⁶Lūn-kàu lín só· chhun ê lāng, Goá beh hō· in tī tui-ték ê toē, sim kiaⁿ kàu hūn-khì; chhiū-hiōh hō· hong chhe tín-tāng ê siaⁿ tui-koáⁿ in, in beh tô-siám, ná chhin-chhiūⁿ tô-siám to-kiám ê; bô lāng tui-koáⁿ i, iā beh poáh-tó. ³⁷Bô lāng tui-koáⁿ ê sī, in beh tãi-ke saⁿ-khoeh poáh-tó, chhin-chhiūⁿ tī to-kiám ê thâu-chēng; lín tī tui-ték ê bīn-chēng iā khiā boē tiáu. ³⁸Lín beh biát-bô tī liát-pang-tiong, tui-ték ê toē beh thun-chiáh lín. ³⁹Lín só· chhun ê lāng beh tī tui-ték ê toē, in-ūi ka-kī ê choē lâi siau-bô; iā in-ūi chó·kong ê choē kap in pīⁿ-pīⁿ siau-bô.

⁴⁰In beh jīn ka-kī ê choē, kap in chó·kong ê choē, chiū-sī in só· kan-hoān Goá ê choē, koh jīn ka-kī kiâⁿ tãi-chì hoán-tui Goá; ⁴¹só·-í Goá kiâⁿ tãi-chì hoán-tui in, toà in kàu tui-ték ê toē; hit-sī in bô siū kat-lé ê sim, nā ū khiam-

pī, kam-goān siū choē ê hêng-hoat, ⁴²Goá beh kì-liām Goá kap Ngá-kok só· lîp ê iok, Goá beh kì-liām Goá kap Í-sat só· lîp ê iok, Goá kap A-pek-lâh-hán só· lîp ê iok, Goá iā beh kì-liām chit ê toē. ⁴³Hit ê toē hō· in lī-khui, tit-tiōh hióng-siū i ê an-hioh, tī i pha-hng, in bô tī-teh ê sī, koh in kam-goān siū choē ê hêng-hoat, in-ūi in khi-sak Goá ê hoat-tō·, sim-lāi iām-ò·ⁿ Goá ê lút-lē; ⁴⁴sui-jiān án-ni, in tī tui-ték ê toē ê sī, Goá iáu-kú bô khi-sak in, iā bô iām-ò·ⁿ in, lāi it-chīn biát in, tì-kàu poē Goá kap in só· lîp ê iok; in-ūi Goá sī Iā-hô-hoa in ê Siōng-tè. ⁴⁵Goá iā beh tui-tiōh in ê iān-kò·, kì-liām Goá kap in ê chó·-kong só· lîp ê iok, chiū-sī Goá tī íⁿ-pang-lâng ê bīn-chêng chhoā in chhut Ai-kíp toē ê, beh choē in ê Siōng-tè--ê; Goá sī Iā-hô-hoa.

⁴⁶Chiah ê lút-lē, hoat-tō·, kà-sī, chiū-sī Iā-hô-hoa tī I pún-sin kap Í-sek-liát lâng ê tiong-kan, tī Se-nái soaⁿ, thok Mô·-se só· lîp ê.

27 Iā-hô-hoa hoan-hù Mô·-se kóng, Lí tiōh hoan-hù Í-sek-liát lâng kóng, Ēng lâng hē ték-piát ê goān, tiōh chiàu lí só· kó· ê sin-kè kui hō· Iā-hô-hoa. ³Lí só· kó· ê kè, ta-po·-lâng tui jī-cháp hē kàu lāk-cháp hē, tiōh kò· i ê kè-gūn gō·-cháp sià-khek-lék, chiàu sèng-só· ê sià-khek-lék. ⁴Nā sī cha-bó·-lâng, lí tiōh kó· i ê kè saⁿ-cháp sià-khek-lék. ⁵Nā sī tui gō·-hè kàu jī-cháp hē, ta-po·-ê lí tiōh kó· i ê kè jī-cháp sià-khek-lék; cha-bó·-lâng kó· cháp sià-khek-lék. ⁶Nā sī tui moá-gèh kàu gō·-hè, ta-po·-ê lí tiōh kó· kè-gūn gō· sià-khek-lék, cha-bó·-ê tiōh kó· kè-gūn saⁿ sià-khek-lék. ⁷Nā sī tui lāk-cháp hē í-chiūⁿ, ta-po·-lâng lí tiōh kó· kè-gūn cháp-gō· sià-khek-lék, cha-bó·-lâng cháp sià-khek-lék. ⁸Hit-lâng nā sòng-hiong, boē chiàu lí só· kó· ê kè, chiū tiōh hō· i khiā tī chè-si ê bīn-chêng, chè-si tiōh kó· i; chiàu

hē-goān ê lâng ê khui-lát, chè-si tiōh kó· i.

⁹Nā sī cheng-siⁿ, chiū-sī lâng hiàn hō· Iā-hô-hoa choē lé-mih ê, lóng tiōh hun-piat i choè-sèng. ¹⁰Lâng m̄-thang koé-oāⁿ, iā m̄-thang tui-oāⁿ, hék-sī ēng hó-ê oāⁿ pháiⁿ-ê, á-sī ēng pháiⁿ-ê oāⁿ hó-ê; nā ēng cheng-siⁿ tui-oāⁿ cheng-siⁿ, só· hē ê kap só· oāⁿ ê lóng tiōh hun-piat i choè-sèng. ¹¹Nā bô chheng-khi ê cheng-siⁿ, lâng só· m̄-thang hiàn-hō· Iā-hô-hoa choē lé-mih ê, chiū tiōh hō· cheng-siⁿ khiā tī chè-si ê bīn-chêng; ¹²chè-si chiū tiōh kó· i ê kè; cheng-siⁿ sī hó sī pháiⁿ, lí chè-si só·-kó·-ê án-ni chiū-sī. ¹³I nā it-tēng beh siók-hoē, chiū tiōh tī lí só· kó· ê kè-chīⁿ í-goā, ke-thiⁿ gō·-hūn ê chit-hūn.

¹⁴Lâng ēng chhù hun-piat choè-sèng, kui hō· Iā-hô-hoa, chè-si chiū tiōh kó· i ê kè, chhù sī hó sī pháiⁿ; chè-si só· kó· ê kè, chiàu án-ni tiāⁿ-tiōh. ¹⁵Hun-piat i ê chhù choè-sèng ê, nā beh siók-hoē, chiū tiōh tī lí só· kó· ê kè-gūn í-goā, ke-thiⁿ gō·-hūn ê chit-hūn; chhù chiàu kū kui i.

¹⁶Lâng nā tui i ê giáp ê toē hun-piat chit-hūn choè-sèng kui hō· Iā-hô-hoa, lí tiōh chiàu i iā-chéng ê choē-chió kó· i ê kè; nā iā toā-béh chit hō-mui-jíⁿ, kè-gūn tiōh gō·-chiáp sià-khek-lék. ¹⁷I nā tui hi-liân kí chiong toē hun-piat choè-sèng, chiū tiōh chiàu lí só· kó· ê kè-chīⁿ lāi tiāⁿ-tiōh. ¹⁸Siat-sú i tī hi-liân í-āu chiong toē hun-piat choè-sèng, chè-si chiū tiōh tui hit-tiáp kàu hi-liân só· chhun ê nī-giáh, sng i ê kè-chīⁿ; iā tiōh tui lí só· kó·-ê, lāi kiám-chió i. ¹⁹Hun-piat i ê toē choè-sèng ê, nā it-tēng beh siók-hoē, i chiū tiōh tī lí só· kó· ê kè-chīⁿ í-goā, ke-thiⁿ gō·-hūn ê chit-hūn; toē chiū tiāⁿ-tiōh kui i. ²⁰I nā m̄ siók-hoē hit ê toē, á-sī chiong toē boē hō· pát-lâng, chiū boē-oē koh siók-tit. ²¹Hit ê toē

kàu hi-liân ê sī í-keng kau-chhut, tiòh choè-sèng kui hō· Iâ-hô-hoa, chhin-chhiūⁿ éng-oán hiàn ê toē chit-iūⁿ, tiòh kui hō· chè-si choè-giáp. ²²I nā chiong só· boē ê chit tè toē, m̄-sī i sán-giáp ê toē, hun-piat choè-sèng kui hō· Iâ-hô-hoa; ²⁸chè-si chiū tiòh ēng lí só· kó· ê kè-chiⁿ ká i chhui-sng kàu hi-liân; hit-jit i tiòh thèh-chhut lí só· kó· ê kè-chiⁿ choè-sèng, kui hō· Iâ-hô-hoa. ²⁴Hi-liân í-keng kàu, hit ê toē tiòh kui boē-chú, chiū-sī hit ê sêng-chiap giáp ê goân-chú. ²⁵Kìⁿ-nā lí só· kó· ê kè-gûn, lóng tiòh chiàu sèng-só· ê sià-khek-lék; jī-cháp kùl-lah choè chit sià-khek-lék.

²⁶Tòk-tòk cheng-siⁿ ê tiong-kan thâu-chúi-siⁿ ê, bô-lūn sī gū sī iūⁿ, í-keng kui Iâ-hô-hoa choè thâu-chúi-siⁿ ê, lāng m̄-thang koh hun-piat i choè-sèng, in-ūi che pún sī Iâ-hô-hoa ê. Nā sī bô chheng-khì ê cheng-siⁿ só· siⁿ ê, chiū tiòh chiàu lí só· kó· ê kè, ke gō-hūn-chit lâi siók-hoē i; nā m̄ siók-hoē, chiū tiòh chiàu lí só· kó· ê kè lâi boē.

²⁸Tòk-tòk it-chhè éng-oán hiàn ê, chiū-sī lāng tui i só· ū ê éng-oán hiàn-hō· Iâ-hô-hoa, bô-lūn sī lāng, sī cheng-siⁿ, á-sī i sán-giáp ê toē, lóng m̄-thang boē, iā m̄-thang siók-hoē; i éng-oán hiàn-ê sī chì-sèng, kui hō· Iâ-hô-hoa. ²⁹Kìⁿ-nā éng-oán hiàn-ê chiū-sī tui lāng ê tiong-kan éng-oán hiàn, lóng m̄-thang siók; i tek-khak tiòh siū sí.

³⁰Kìⁿ-nā toē-chiūⁿ só· ū ê, bô-lūn sī thó·sán, á-sī chhiū-téng ê ké-chí, chap-hūn ê chit-hūn sī Iâ-hô-hoa ê, choè-sèng kui hō· Iâ-hô-hoa. ³¹Lāng nā beh siók-hoē chit ê chap-hūn-chit ê sím-mih mih, chiū-tiòh ke gō-hūn-ê chit-hūn. ³²Kìⁿ-nā gū-kūn, iūⁿ-kūn ê chap-hūn-chit, keng-kè koáiⁿ-á-ē ê, múi tē chap-chiah tiòh choè-sèng kui hō· Iâ-hô-hoa. ³³Bô-koán i sī hó-pháiⁿ, m̄-thang tui-oāⁿ; nā

beh tui-oāⁿ, chiū só· tui-oāⁿ-ê kap pún-jiân ê cheng-siⁿ, lóng tiòh choè-sèng, boē siók--tit.

³⁴Che chiū-sī Iâ-hô-hoa tī Se-nái soaⁿ ūi tiòh Í-sek-liát lāng só· bēng-lēng Mô·se chiah ê bēng-lēng.